

幼  
學  
堂  
詩  
稿

幼學堂詩稿

辛酉起訖  
壬戌秋

吳縣 沈欽韓 文起

贈狄處士

春城

圓六三點證摩醯法喜周生自作妻識得深山梅子熟謾  
人語是止兒嘯

競言五味祖師禪多向門前倒剎竿拈起布毛吹少許禿  
居士輩解看

神珠能解蜚蜋毒法界華嚴彈指呈記取佛鐙挑隻箭江  
湖原不礙人行

丈室同參老古錐溪知煩惱種如來鬼神覩見修行念平

地應愁起骨堆

初秋夜坐二首

清秋似窮士觸物多哀吟  
銀河挾雨氣虛警生遙林  
涼颼蘇病骨淡雲織秋心  
蛛絲巧縈緒蟲語苦垂簾  
夜久聞滴露疎鐙寒欲侵  
可憐鴛鴦瓦誰遺水晶鍼  
明星搖古劒大地鳴雅琴  
古懽渺難卽抒情憶繁欽

高梧倚簷端動搖清灝氣  
風露浣詩腸燈火思禪味  
虛籟出瓶笙鬧若茶眼沸  
巢痕戀鷓鴣機響悲絡緯  
萋萋美人愁離離客子畏  
駐車誰造尹執版或見尉  
箕舌味寧別壺耳音難彙  
空谷裒寒香爛漫羞野卉

廖茂才以詩畱別次韻酬之

歲暮圓瓢縮似蝸著書仰屋感蒼華叢殘詩付秋墳唱磊落人从曉鏡夸陶峴江湖多載酒葛洪妻子欲攜家雲龍隨逐天猶吝獵獵西風五兩斜

蒯緱好揖坐談劉花落長亭聽曉籌紅粉賞心金鑿落綠天圍夢玉雕鏤衣香潤雨融春淚馬力隨風軟客愁一事與君消鍛鐺撼城東下是河流

時廖有淮安之遊

偶題

嫩寒好自下湘簾爲憶羅浮香夢忺欲拂芭蕉寫幽恨有人先我上睂尖

一縞雲重嬾擡頭萬種思量未肯休如此黃昏還細雨幸  
儂相對伴清愁

臘盡舉一男越十日而失之

壯髮披齊額靈雲散集肩試啼寧痛嗌與乳亦流涎已擲  
浮盆果同分壓歲錢特豚慙未接蓬矢幸新懸書策遺猶  
後屠蘇酌最先商量作湯餅顛倒拆衣綿伯仲行新列宗  
支世舊編錫名思鄭重推命怕迤邐祟忽逢星子胎應浴  
紫淵抱持纔十日出生死算逾年眼眴何知戀宵長可得延  
珠還雖有日玉冷已無煙不忍離衾褥終須掩墓田雨如  
揮別淚月正上初弦此後餘香滅當時喜氣傳誰言魂尙

小便共鬼爲緣故物休振觸遺胞并棄捐溫顏病妻慰轉  
念長男憐孤露傷三載生涯賸一瓊昂藏幾老大別有涕  
潸潸

伏英華清賜浴圖

驪山溫泉出神女遺唾猶香波跳啣會昌城築置長湯白  
石爲梁七寶飾沈香山子狀瀛洲玉環前夢應能識扶下  
飛霜殿砌遲

長安志飛霜殿廢也

汗融繡袂剛晡食已受恩深睂

尙顰可憐態弱腕無力頗黎碑映識頰顏玉蓮花捧聞香  
息濺沫應驚銀雁浮噴泉頻把羅巾拭消盤窺宓是何人  
鋟鏤舟撐故相逼宛轉生綃著自輕遲回慵髻挽猶側墜

釵著體拊不留膚與玉鸞同一色晚粧散暑瑤光樓笑指  
明星璇室織迎孃吹笛蠻兒歌此日崖公蜺斗極豈知池  
有長黃虬一躍漁陽敝雲黑望春洗兒拋赤錢延秋避賊  
攀金勒冰肌玉骨化游魂芳澤蘭湯畱不得胡兒浴馬復  
磨刀寶甕血脏苔蘚蝕禍水從來滅火井空傳嗚咽流階  
城一幅吳衣曹帶新千年皓齒明眸卽沈沈雲海想流鈴  
著手摩挲報翰墨欲挽天河洗甲兵吞聲詩老空追憶

鍾吾山雙髻庵

蟹堞色蒼莽棧石勢深杳嶺日淡於雲林颺捷過鳥墮窮  
得隴寬壁立緣寺小佛髻門遠青桂華濯秋皎靜綠袈裟

上遠香薜蘿遶入座鶴夢縈餐秀詩腸飽振策僅巖半雨  
花已戶表山骨冷松根幽紗媚叢篠起尋樵唱歸茶煙斜  
竿裊

晨步虎山緣東崦至石泚庵

月痕破遠村市聲迴叢薄山風掠衣稜湖浪吞雲脚網懸  
翠荇牽樓側古藤絡秋柳不籠烟野花猶釘萼卻望東西  
嶠渺然濛梁託蓑笠元真趣鰕菜鷗夷約巒容有遠近濃  
淡色自著煙雨空濛中仙人倘未寔松門依小徑濺歌遶  
佛閣團蒲喜小榻重把芭屨縛

由米堆山抵馳道入聖恩寺



與與秋颺高意嫌飛鳥嬾巖花悅寺古池魚戀萍暖空廊  
躡易響石戶懸常鍵心宋炷香消目騁張帆滿松濤帶霜  
鐘勢若萬蹠散筆研試禪床湯餅漉齋盃緇流偶接席福  
命言最遠上座恆拙推予  
命言最秀出豈知仰屋梁窮愁天不管危亭  
瞰上方壁陡人影短山鬼呼亂雲平地日脚斷

鯉山

山皆種桂居民  
以此爲生業

鯉山在湖濱橫鬣閃濃翠植桂一萬株繁葢金天媚連蜷  
爍龍鱗韻珩簷鳳翅祇園六百弓明金佈佛地廣寒八萬  
戶香雨飄仙帔分風迓古魂節日蕩秋思水妃靚妝窺石  
骨餘馨醉連朝愁釀雨青裙連臂至富女有殘膏貧戶無

餘稅作米但量斗撮花不插髻林外送歌聲搖颺晴光碎  
作米撮花皆  
山中方言

宿雨初霽登漁洋山絕頂遂越法華

北風斷檐雨林巒面新磧彎濃村色幽出沒帆影碎四圍  
露人髻千步瀧龜背絕陁外獐拒重隙中差對午雞足下  
鳴萬瓦若在確癡雲舉杖鞭頑仙揮袂退浮峯七十二一  
一掃修黛浪花涌珠宮應有凌波態法華結脰股屬鬣屹  
而戴石瘦屐齒齧寺欹佛眉礙笑詩狂揆幽如壯士出塞  
清景盡討逋造物終不耐

還元閣呈恆拙上座

鬢絲禪榻喜消停  
落日孤明樹杪亭  
僧闌白雲攜露卯客  
捫古壁識風丁  
岩堯佛閣松杉舞  
宋靜全廚鳥雀聽  
便欲御風凌絕頂  
五湖七十二峯青

金宮詞一百首

帳前撒速賀如雷  
促坐琵琶笑靨開  
九隊馬連雲五色  
太師今作克汗來

薩那並馬看揚旗  
金櫟盛來大軟脂  
戰鼓無聲半天紫  
寧

江月出澹蛾眉

大金國志夫謂妻爲薩那妻謂夫爲愛根

來流河畔馬翻塵  
芍藥花開朶朶銀  
如雪刀光皇帝寨  
鷗鳴一曲踏陽春

孃子多居阜宿園山前樺角報黃昏金符奏得燕京路愁  
殺蕭妃奉至尊

艸青幾度盼雙眸房帥隨行進綠籌煮茗焚香雙陸戲天  
家何事不風流

國書小字似銀鈎五色翔鸞實錄修催賜庫中金吐鵲史  
官勅宴五雲樓

瑤池宴罷解羅襦金縷鞦提倚阿姑博得塵公多覲斗地  
衣亂落粟黃珠

閣門鞭響報班齊傘子山呼習宋儀八寶黃羅分左右親  
看御押印紅泥

劍鋒揮處看嫦娥笑說吳山策馬過繡了羅衾他日用幾人鏡裏蹙雙蛾

女伴能呼總管名死央七十二分明軟金袋向牛兒賄小

說休提八駿行

張仲柯傳幼名牛兒說傳奇小說海陵引之左右以資戲笑

管弦聲與笑啼俱琴院多隨御女車誰向夜深歌赤鳳喚人倒篋洗裙裾

繡簾媚蝶笑相遺房老猶稱來夢兒不敢香階輕剗韞暗

中但聽佩聲知

海陵宮人至夜不許下殿又禁不得然燭

小名按錄喚來頻儷白妃青說秘辛一自水晶屏內見顏無奈效顰人

一局圍棋劫未消孝經何忍誦東朝猶嫌繡簾金鉞箭只

射飛鴉不射梟

海陵諸子傳光英射鴉獲之海陵大喜命薦原廟

金錢纔看綵盤圍鹵簿千人謁廟歸監婢抱來能學語佩  
刀換得老人衣

夢裏曾傳到玉霄黃皮袴把芭紋挑江南果是神仙窟試  
聽郎中望海潮

拜天臺近築毬場正是黃橙初上綱却進紫茸貂煖手棹  
桡酒泛菊花香

牛頭稅作棗梨錢賽著明金舞袖鮮恐把鷓鴣巾樣改內  
人禁帖孟家蟬

漢字親从宮教師碧紗幃外日遲遲歸來莫把羊車盼對

食惟同假廝兒

后妃傳凡諸妃位皆以侍女服男子衣冠號假廝兒

南使籠歸千鈐茶外官未許闌新芽日長只合深宮品賭得圍腰醬瓣樺

頻拭羅巾醉纈融花陰零亂上簾櫳寶林鞞袖低傳旨爲日紅來爲酒紅

迴廊碧瓦柳枝高內院春衣試剪刀三月狀元當放膀謝恩先要賜緋袍

大享親安神射碑歌頭迎駕練旗隨御樓要放金雞詔泛索添供笑靨兒

衍慶宮垂繡幄重牛魚應爲薦新供白頭良侍紅綃淚許

到今朝識御容

禮志薦新正月鮑明昌間用牛魚

桃皮筆簞駕前調春水秋山試射鵬更向大房燒飯去奉陵女插玉逍遙

黃麾細仗上京來孛堇更番進壽杯共聽阿家翻本曲拱宸管向教坊催

錦轡絲鞭簇射棚雙桓插柳鼓騰騰金龍御箭連鞬射看

取鵝黃靶子承

禮志當射者從尊卑序各以帕識其處

魚藻池邊拜月回百頭帳底卸鸞釵禁中自有蓮花漏不

許司辰曉執牌



御膳朝來減大官只緣烽未報平安戲排毬仗風流陳要  
泥天顏一笑看

御爐煙裏袞龍瞻玉冊昇來神聖兼尊號字多先暗記山  
呼微笑動眉尖

香閣湯官具餅茶遠人曲宴禮儀加昭華琯響辭丹陛紗  
帽橫簪色絹花

御果盈床壽紫宸八欄翠袖拂珠塵酒闌分得金剛鐏解

道新禧似忒鄰

忒鄰海也

聖明齋肅獻新宮拜起勞應掖侍中鸞輅聲和歌導引御

街新柳起微風

榜子當階引宋臣班躋三品奏書頻天顏入內猶微愠只

爲吞瓊噉雪人

大金集禮宋使到闕於三品官班內間插

毬場早立阜鵬旗看肉飛仙奮杖馳記得韓王稱第一每  
牽龍馬賜教騎

聞遣金牌聞刺還口脂面藥破愁顏姪朝昨上遺畱物便  
賜西宮玉假山

苑中勅祭主林神移植姚黃繡幄春都監奏知開內宴郎  
君休笑作詩人

承華生日集貂璫雁粉安排七寶牀好作主人酬玉杓食  
官還進臥沙羊

幼學堂詩稿

卷五

九

硬黃紙鎮玉雙駝小印朱文舊政和花蕊夫人詞百首晴  
窗寫與定哥歌

黃梅花鞞老鴉盤鴿炭熏爐火未寒共戲擊蒙金葉子至  
尊今夜宿齋壇

穿過長廊蝴蝶飛瓊林苑裏綠初肥都知休置婁羅歷祇  
門宜男艸便歸

檐前鳥解誦金經內藏黃縑助飯僧無怪煬王添罪過柳  
條曾向國師懲

女職承顏捧研餘漢家制度問何如閤門近日親傳旨但  
却文園諫獵書

大金國志有事三令臣下  
不諫曰作樂飯僧圍場

翠巒閣上芰荷風紫袖擎來琥珀紅笑指漢人金杙坐不  
知身致太平功

玉華門內散香煙振肅傳呼御駕前幾股湘江龍骨瘦香

羅袖裏喚朝天

章宗聚骨扇詞  
見劉祁歸潛志

鴛鴦掣得海東青翰苑傳詩鳳輦停知道家風怕嬌情鞦  
韆相約打宮庭

活雁休教進御廚天中卽至饌伊蒲侍宸新授長生籙分  
乞宮中却鼠符

勃脫雙翹岩洞春像生花朵上頭新妝臺正對瓊花島略

似安妃住玉真

張師顏南遷錄宸妃宋華原郡王鄭居中  
曾孫女善舞雙勃脫又于蕪山輦白石築

岩洞於芳  
華閣前

人月圓詞唱別宮楊花到處舞東風玉堂催跋飛龍紀更  
喚朱闌宴禁中

三日洗兒看翦鬢一枝藤杖祝康強中官啟建元真醺龍  
飾肩輿拜綠章

解愁曲奏鬢雲鬆牀下軍書不發封傳語酒坊添釀法愛  
王近已出和龍

百官志酒坊使掌醞造  
御酒及支用諸色酒醴

東明閣上畫屏風恍在宣和艮嶽中畫了長眉批內降十  
三行字粉痕融

千官放仗解鳴珂避暑瑤臺指絳河已近官家天壽下閒

翻酒令教宮娥

南遷錄十四年詔擇民間女年十三以上有姿色慧黠者各三百人進入教酒令

樓前點檢紫茸軍燈火鰲山閣十分小輦親來開雉尾珠簾一朶舞香雲

仙韶爨舞未消愁一笑端須瑋瑁頭膝上錦裙容易皺不

因仙去被人畱

宸妃每坐章宗御上見大金志

果馬穿花度曲欄夜燒鹿尾宴金盤珠簾不捲羊燈暗唱得春愁小契丹

東宮內設讀書堂馬上稱書論首陽一首豳風同創業萬春節內侑瑤觴

勅首還求孟四元雲璈雙塢奏宵闌却觀侍讀終場策只

恨當時讀卷官

選舉志就憫忠寺試廷單鑑等寺舊有雙堦進士入院之夜半聞東堦上有聲如音

樂入西宮

驛馬頭顱萬里來  
班荆館伴押綱催  
省差行首紅羅傘  
拜表先聞盧鼓椎

溫墩妃錦漫添香譜  
得新詞春恨長  
聞置榷場花曆鎮  
金籠要買雪衣孃

阜紗廚帖玉籤  
齊排類都教應奉題  
不奈重陽佳節到  
狀元詩句粲瓠犀

獨策羅換舊簾旌  
春帖今朝已進呈  
冰窖金瀾堪潤筆  
教書裙帶黨懷英

中朝冊寶受黃封  
命婦分班入廟從  
夾道衣香菲鬢影  
鋪華蓋擁玉芙蓉

金橋昨夜度天孫  
小隊宮嬋牢燭分  
報道謝恩同繡輦  
捲簾先要看郎君

枇杷子進剝春蔥  
繡袂生綃映玉紅  
每惜官家不禁暑  
今年須幸景明宮

歸潛志宋使至金進枇杷子

毬毬圍座隔窗紗  
奏進神童內省夸  
作罷艸書加膝上  
替梳雙髻更簪花

琳池風緩阜羅衫  
翦出唐花綴碧巖  
喜得南朝增歲幣  
尙方工作勅都監



外廷受馘立黃麾拜表千官滿赤墀待得駕回宜啟賀金

花箋紙撰丞儀

百官志皇后位下女職丞儀掌左右給事宣傳啟奏

伏熊枕上掩屏山剛召醫官候脈還小鈐龍團纖手捻守  
宮褪後帶銀鐶

春風催發吉祥花百寶闌干倚欲斜手擘軟金盃上壽正

宜插食岸烏紗

歸潛志章宗擘橙爲軟金盃

鼓山一幅鳳皇圖映壁銅華手自摹好向盛時修福德乞  
錢七萬造浮屠

淮上取回緋翅軍來寧館伴慶生辰要求慈福蘭亭帖好  
遣臨池諸貴嬪

瑤光樓上拜雙星盤列西瓜鵲鴿青催作御袍文繡署金

梭夜半乞涼亭

松漢紀開北地西瓜圓而色青翠味甘脆中有汁尤冷

大內傳呼立叔王死夾符事發昭陽幾年又兆矛端火階  
下夫人碧血香

偉能暴室已魂銷并遣昭儀自擣椒昔日枉將余琬怒受

恩侍讀立三朝

完顏匡欲專定策功搆致承御賈氏元妃李氏罪又衛王卽位後章宗遺詔言朕之

內人見有娠者二章宗崩三日而稱范氏胎氣有損則實出于衛王意旨也匡本爲章宗侍讀

狐登御榻事如何浮碧池頭灑淚過銀作馬槽金酒甕百  
年家計怕干戈

天家宵旰議南遷萬兩明駝揮玉鞭飛勅教催黃鶴袖才

人拉颯抱箏弦

細雨鸞旂暮角摧呼來行殿淚粧開從官可惹燕山恨把  
筆題詩銅雀臺

大駕先聞渡衛河望仙髻挽抱雲和紫羅半臂征塵拂更  
要添香熨鈿窩

雪香亭上擘新柑春暈紅潮酒半酣後日上元須放夜買  
鐙中使至淮南

一隔乘輿九十年牙籤秘閣故依然也應灑淚家居壤銀  
燭如燐遺表傳

紙錢署令勅先支雲地裁身繡折枝尚有通元門內恨種

車歷祿北行時

抹撚盡忠傳中都妃嬪聞盡忠出奔皆束裝至通元門盡忠乃與愛妾及所親者先

出城不復顧矣

夜合花開春思酣鳥拖白練水拖藍閒穿金縷床頭坐自

繡羅檐上佛龕

睡迤涼亭四面開深紅滿架拂玫瑰新頒寶券當千貫觀

禪團花打馬來

全食志貞祐通寶一貫當千貫

潼關烽火斷征鴻又說虢軍掠故宮檢點珠鞍并玉帳要

將公主去和戎

元史類編云虢音冥

神運峯頭吐絮雲榴花何必妒紅裙繡人辛苦征袍作催

給山東花帽軍

舳艫舟通淮水行涼樓閒坐說功名君王自艸南征詔待

占西湖棄汴京

舳艫舟見宋史李全傳

一隊紅燈金鳳輿半弦月正下階除瓊香亭子同攜手記  
得生年雙玉梳

良家合子同心賜繡帶盤綾奉至尊雙淚誰家金谷怨香  
車軋軋出宮門

閤分金錢費御樁夫人自在醉銀缸靜街遲起龍樓鼓宮

籍新添白酒龐

歸潛志宣宗外戚多微賤有頭巾王白酒龐之號又宋帝母姨號自在夫人

晚坐東樓墜聖衷金蓮燭撒玉堂中寶裝犀軸熏龍腦明

日宣麻立九公

寶冊分移御幄前玉屏風下看比肩兩宮徽號同時上故  
事都依天德年

冕服初成內殿朝女官贊拜笑迴腰阿婆試看還相稱應

奉鸞輿廣利橋

河渠志大定二十八年詔盧溝河今建石橋明昌三年三月成勅命名曰廣利

一家骨肉共傳餐玉櫟何分瑪瑙盤不識新皇猶榷楚主

臣無奈殿頭官

侍臣益政院兼銜襄漢旋開告急函一帶荷花舊龍德淚

痕空對太平巖

地理志仁智殿有二太湖石左曰敷錫神運萬歲峯右曰玉京獨秀太平巖

泰山破碎汴流丹不作西京留守官叔父肯言家國事却

看阿渾涕洟瀾

金人名子爲阿渾

承天門外哭麻衣小苑芙蓉慘落暉  
一隊繡旗忠孝字爲君忼慨破重圍

馬軍數百却弓弰便捨官廷指浚郊  
道得官家宜保重絳

紗袍上淚珠拋

完顏奴申傳上出京服絳紗袍乘馬導從如常儀

衛士相從賜鋌金橫刀早撞省門深  
空將妖夢青城悟誰似摩訶院裏心

皂笠黃衣過吹臺生靈頓盡慟蒿萊  
可憐照碧堂中坐更

禁將軍跋扈來

遺山集虎賊尹大興張公著與諸御史發其奸章宗言胡沙虎定何罪但跋扈耳卿

等不相容如此耶公著同中丞孟鑄言聖明之朝豈容有跋扈將軍乎

御廚分結練江魚羸卒創殘尙一呼  
無恨幽蘭軒裏事猶

堪枯骨笑黃奴

元宮詞一百首

大帳欄聯乞烈恩  
山呼看豎九旂旗  
一囊細乳長筵列  
爭記渾河共飲豈

白翎雀住比君情  
怕說西天萬里行  
歇馬第三鞞耳朶  
笑攀漆盃合銀箏

親灼羊脾吉兆開  
算灘金葉表文來  
雪山高處愁天叫  
更召神仙爲鎮雷

駝車九十白氊陳  
投下分茅內宴頻  
但聽弩絃千步響  
纔旗先插十功臣



新頒扎撒整朝儀  
甲馬如雲各一羈  
四隊銀刀分白道  
諸王拜舞撒花隨

內家新住萬安宮  
額點黃螺髻  
暈紅小注一行回  
鵲歷臂紗解後月如弓

埽鄰城外草如煙  
金鳳當頭寶笠偏  
誰道驕牛騎不得  
却緣微妒更生憐

五戶絲從腹裏輸  
坊場撲買更收租  
不須重放羊羔利  
便購回回答納珠

牛心幄殿與扶頭  
五部傳觴渾脫求  
萬歲天王十歲釀  
蒲萄戶是醉鄉侯

金靈馬載帝羝喪國母臨朝出箭房宿烈孫裘珠比甲繡  
旗風軟出紅妝

昂灰膝上裛來看髮刷膠青碧甸冠悖按豹言猶在耳最  
憐風雪擴端寒

東平乍送樂工全龍笛篳篥奏御前丹詔聽宣必闍赤祭  
天卽趁鼠兒年

袞龍法服未香消笑倚薰籠替勒腰著體不須頻照鏡罕  
今愛好勝南朝

鵠立談書多秀才雙龍金翦白袍裁內中故事猶能說皇  
后曾酬萬戶栢

譯來通鑑夜親披綵袖低垂蠟鳳嬉不用頻夸廉孟子吾  
王已作大宗師

寶篆歡呼一治完龍岡位正紫薇垣一時忙殺聰書記官  
制纔頒復紀先

如霜馬湏灑龍庭蒙古巫來語細聽纏白羊毛拋綵段天  
皇福蔭託安寧

省內登歌樂降神駝峯熊白上供新秋來院裏重燒飯先  
聽呼名鐵木真

泊中飛放踞鷹房煮得羹鮮草上霜毛綫成灰芻狗碎擁  
鬢笑道舊災禳

紫檀殿裏奏興隆孔雀鬚髯應節同更召雲和開雜劇看  
磨戲竹曲將終

猊餽飢聚乞浮盆氊帳移居奏至尊撒答海時傳扁食紅  
綾捏就月兒痕

泥金白織到春迎穿過紅門遍內城樓上比肩珠箔卷香  
煙卅里繡幡明

河西務走快行家絳縛黃皮脚力夸直到御前呼萬歲奉  
銀一餅出南衙

雲都赤立響刀鑲豹首班聯劒鏑班先是如雷呼控鶴分  
行紫袖露天顏

兩宮出閣玉珥璫正中門對寶幢約略秀眉齊御榻金  
爐煙裊亦成雙

侍儀引宴簇紅鞦火不思彈回鶻歌細肋黃羊堪飽啖蒲  
萄酒是醉人多

春思絲絲擁罽姑女兒節又插釵符玉階閒佇青莎滑滋  
味如嘗押不蘆

天家鐵馬出和林罩甲親縫兩襜鉞憶著冰花垂御帳寶  
山漏下夜沈沈

紅氍原是舊羊皮更練弓弦作毳衣植得階前誓儉草便  
同葇荑耀朝暉

光天門外唱班齊實錄先朝襲錦緹十二牒分神御殿行  
宮妃子背妝唬

箭拂金輿蠟樹紅納妃箋賀滿青宮織金臥褥香消後更  
緝駝絨課女功

商鐙人鬧內城家小輦旁从覩魯花別帳夜畱南海子捫  
官催進醞都車

總持玉印坐朝端蒙古新書內府看賀表正須天壽節桃  
花紙仿翰林官

裏擁顏顏刺馬隨四男枕可應熊羆明朝佛頂金輪曾自

解珠衣助祝釐

楊珣山居新話  
刺馬卽帝師

火輪竿擁鎮邪魔  
擦擦泥搏十萬多  
寶石斗量拋海畔  
小黃河自不生波

集賢院內費餐錢  
臥對屏風講榻前  
迤北大魚傳狗站  
蓬池斫膾御廚宣

仗回骨朶放朝參  
御押軍書鳳諾諳  
八彩睂開饒喜色  
伯顏表已定江南

儀鸞供帳費黃羅  
筵賜三宮十次多  
今日大朝應盱食  
預教典膳煮頭鵝

一窺金龍殿柱橫  
合尊師向吐蕃城  
却憐枉殺文丞相  
筮日宮中點燭行

異據

局名

爭看錦繡堆延春閣內笑顏開玉桃羞與金絲簾

位下閒時博進來

才人小小輦旁扶牧草青時幸上都日射帽簷金碧色紫羅窄袖挾雕弧

泡子河邊林壑殊七星堂壁自規摹掖庭女伴還尋玩新撰河源一幀圖

上苑春風透肉寒垂楊回首洞房看鏡臺閒送遊蠶過壓

著羅巾翠腕闌

手鐲見元氏掖庭記

鬧蛾兒顫玉搔頭仿得南裝壓鬢稠愛看腰間貓眼活教傳番舶要雙抽



其說光齋有布衣五龍車送殿庭歸內人自乞王孫畫朶  
朶珠花插帽圍

水燈夜放玉河邊密咒傳持膜拜前却笑中賢施外學脂

香粉印佛能憐

寧獻王通鑑博論至元十八年闢  
儒道二教爲外學貶孔子爲中賢

羊車路熟到昭陽押忽垂珠帳角光內降斜封傳省裏廣  
寒殿外月如霜

黑龍江外急邊烽檢點隨營御帕封醉倚五山珍御榻君  
行馬滑又霜濃

相約前幫到御溝妃央如綺散芳洲殘脂傾入金河口都  
作桃花片片浮

香殿臨書點畫明學生親署御名呈研朱良娣低低說勒  
帛休加著好評

卞和璽出拘哥家匣奉黃綿至寶夸笑指明金包一角不  
如玉貌妾無瑕

寶案爐煙殿角風內廷讀冊集三公妝成不暇熏香坐常  
駕宣隨隆福宮

宮門細樂響雲璈禿魯麻來幡蓋高爭向轎車前助福香  
囊繡得繫黃袍

宣徽院內領牙牌功德新修六道齋隨喜壇前秘密佛戲  
將方響叩鸞釵

眞珠簾內燭花舒錦像中宮瞻謁初看到散拋茶飯畢齋  
孃道從上腰輿

重光小厄動星文門館先成推戴勳他日傳觴呼阿合陁  
山茅屋暗秋雲

五花殿榜迴流鈴日煖金苔鶴屐翎御筆教傳章佩監絡  
珠作詔選娉婷

阿速親軍扈遠郊愛蘭乳酪進行庖呼鷹臺上漫天雪片  
炙黃羊石火敲

獵蕙風輕寒食初上林百品進嘉蔬栽花笑擔金鴉觜新  
看農桑輯要書

宮門獵獵綵旗斜  
兩狀元來擁絳紗  
惹得桂枝香在手  
玉音親導替簪花

尊號初加頒赦條  
玉容武帳壓花翹  
誰言長信秋風早  
苑錦溫香絳蠟燒

天語親傳代出家  
御衣局爲作袈裟  
閭浮六十四種字  
香案繙來筆粲花

萬年觴舉慶朝簪  
冊禮儲皇拜跪堪  
此後天家休慮周  
王早遣鎮雲南

齋垣玉輅振鸞聲  
綵殿纔臨珠淚橫  
歸到石橋儀仗退  
尙宮先索問安名

瀆山玉海酒千卮供御琵琶棕殿隨說法隊過齊贊佛殿  
前歡唱史騾兒

風入涼亭響井梧靈星祝罷撥金爐大禧諏吉當親祀點  
燭同看鹵簿圖

鹿頂樓連響屨斜藏鈎戲罷拓凶紗紅絲磴合宜男藥回  
鵲新求打里牙

司香女自蹙雙蛾中瑞鎔成佛像多珠作袈裟金作字尙  
憐碧血蘸南坡

水精殿內帝師瞻遊遍皇城擁繡簾紫豹車中傳樂部紅  
妝微笑寶花拈

埽鄰館閣制書徵龍虎山中醺事增白鋌新鐫元寶字泰  
安州廟助香燈

碑漏迢迢滴御堦拔都皆佩虎文鞞追鋒車報懷王至各  
埽長睂輟睡鞋

白浮野外鐵衣光奉御紅旗督戰忙洗血歸朝圍御繖手  
提金印太平王

經制書編汗簡青奎章御座列紗屏至尊好事開門館怯  
薛官閒盡授經

藝文羣玉領官司其賦承平曲宴詩博士臣題邀御印內  
官奉出玉盤螭

三三  
布施馬載大行車玉几金牀位竟虛一帶柳林畱恨色更  
修脫卜赤顏書

御茶園裏進頭綱秘色磁窯注老湯斜倚隱囊聽蟹眼螺  
鈿几上喚添香

九九寒消碾玉鈴早春撲蜨穆清亭垂楊一樣淡宮閑倚  
著東風眼已青

軟金答子襯紋綾牋表新小嬈子稱總管簿來脂粉戶上  
元時節扎珠鐙

花帽蠻奴按象馴虎坊肉價日千緡西湖櫂轉觀靈囿孔  
雀雙飛妒玉人

麥飯誰澆宰木寒 羶車呼出淚偷彈 舞衣色淡鴛鴦會舊

製先朝史道安

縫人也

南郊大次禮儀多執笏 史官記不訛 登陞先標皇帝字 天顏微笑燎壇過

圍宿軍隨坐正衙 書生瞎眼謾塗鴉 可知夢裏南唐主 乞作纖兒破趙家

金綫挑花女手摻質 孫御服四時絨 曝衣樓上看書簿 寶篋香濃惹紫衫

雀翎翠羽織朝衫 興聖詞頭進寶函 龍鳳牌成頒上輔 眞珠密字繫官銜



月池橋轉影雙蛾齊唱江南水調歌遙指綵樓天樂奏衣  
香鬢影亂清波

殿前山子玉爲梯翠袖分花戲捉迷誰著羽衣眠桂樹洞  
房深處月宮題

坐部多宣郭順時鳳輶點拍小楊枝御筵撤送金花燭拜  
賜纏頭下赤墀

卷軸珍藏印玉章先生挾冊到書堂湯官每奉西宮旨捧  
出髻盤玄玉漿

窮綺香塵漸欲拋高麗采豔備偏髻至尊演揲兒能慣不  
用醫官慎卹膠

龍舟勅造內官監萬歲山邊錦作颿一曲凝香翻鳳尾珍  
珠繖有綵雲銜

花鬟肩鞞象牙冠舞得諸天帶笑看榻上珠塵風欲定飛  
僊已報立金槃

羣官勅斷內廷趨房帥多推三聖奴卻望雨來菩薩綫替  
鋪煖答世穰穰

碑文史館進呈封上相河平慶九重裁就羅袍玉列赤藏  
香同祭小金龍

魚羹宋嫂仿廚刀餠子還須副冷淘報道新瓜龍慶熟便  
興子戰賭分曹

丞相宮廷起屬觴  
燹煙報已熄灤陽脂香風送聞低語那  
壁宜爲太上皇

繡絲裘薄轉涼颺  
金脊銜樓度玉簫但使練裙家法共不  
妨遍唱石人謠

宣文閣外亂鳴笳  
椒寢塵封手詔斜選得麗人親挽髻綠  
車教送相公家

鐵騎驕嘶向夕曛  
橫鞭馬鬣送郎君大河以外無完土又  
見恩恩立撫軍

雁門深處是皇都  
橐駝難償段阿奴獨坐肉屏彈出塞點  
蒼山月照人孤

百年家國翠眉低無復天桃女共攜  
生恨居庸關外樹亂雲遮斷鳳樓西

幼學堂詩稿卷五

幼學堂詩稿

壬戌冬起至  
乙丑夏止

吳縣 沈欽韓

贈涇縣包十五

世臣

卅角讀羣書雅尚破蜷局弱冠結朋儔私心鄙齷齪碌碌  
三十年白眼空遐矚俗士際休明金門易廁足佔畢耗其  
功聰明移所欲燕雀歛決起瞻顧笑黃鵠以茲襄慨慷宴  
安寔酖毒天寒仰屋梁豈在升斗粟高軒盈尺地那許賈  
生哭有客橫江來慘澹名臣錄紙窗掠酸風苔瓦射朝旭  
腰間霜匣鳴握手古誼屬平生耿耿心相示重秉燭  
君家傍秋浦著書茅簷底笑兀仰青山浩歌投筆起長揖

庾公樓揚眉驚國士荆蜀人苦兵百萬屯螻蟻林巒漲胜  
霧白骨莽千里君時縛袴褶軍門擊馬箠翁歸文武材慷  
慨惟所使孤虛畫杖成山谷聚米指憤激諸將詩浮雲塞  
高壘空抱短長經拂裏呼行李且復懸寶刀報國終須此  
天網恢八紘彈冠志彌切君數交遊間鬱鬱皆英傑回首  
廣武原俊鵠思一掣頽眉現談笑指畫堪屈鐵決皆鬼膽  
破吐气星芒滅謂予非鄙夫聯袂成行列豈迂塊暑消頓  
使心神折感激每自陳從容更有說生能讀萬卷死當明  
大節志欲跨風雲操先厲冰雪古來急功名往往遭決裂  
此心若不朽歲月任飄瞥襄哉二三子肝肺休內熱

董生負奇氣慘綠最少年清言霏玉屑不苟隨人肩君謂  
發硎刃所目牛無全區區雕績才安足當剡鑄三人相視  
笑各指滄浪天驚笳吹落月舞雪迷歸船每念范巨卿拜  
母升堂前所期令惠勗久要莫忘旃黃河日浩浩巨防蟻  
穴穿老蛟刺其牙狙伏流飢涎不如負長鑱清嘯破蒼烟  
何以答清時孝弟與力田何以遣窮愁述作垂一編

題陳大

兆儲

芸樓看醉圖

量珠過一斛執蕙拓雙弓酒帶眉痕綠花迎燭影紅添香  
金匱匝擁髻玉瓏璫莫問銅壺漏高樓壁月中

嫩寒宜半臂薄醉試比肩話雨曾燒燭盟星更擘箋同功

裁女布續命佩男錢挾瑟高堂上迴身整翠鈿

仲春同張翰風黃小仲包慎伯董晉卿徐季雅家狎

鷗集胡元謹宅卽送慎伯歸涇

千里飛鴻尚未冥草堂夜指伍喬星青衫風雨思寒煖白

眼江湖雜醉醒客裏梅愁招翠羽夢中蘭笑隔銀屏卜鄰

倘許追王翰牙管雙移野史亭

時翰風慎伯  
圖卜居于吳

新柳

洞房回首又絲絲休唱旗亭古別離月小點衣光不隔燕  
輕別院景能窺澹連芳草初生路淥比長眉學畫時正是  
棠梨寒食節當年張緒黯人思



官司馬招同王仲瞿胡元謹黃古愚觴齋中牡丹  
素娥呼不出怯與鬥明粧一角天應艷雙弓土亦香燒鐙  
扶浩態帶露注清光此夕瓊枝裏飛來白鳳凰

陳氏宅中牡丹

蝦蟇衣綠雕欄東十枝五枝紫間紅春光爛漫惜不得穠  
穠堆垛抽玲瓏晴絲舞天破宿霧朝霞墮地團輕風玉腰  
鳳子陂相觸打門拘折喧兒童自憐榮枯異植物寧忍悶  
落由天工籌樽張幄且一醉閒愁拚攪深杯中去年看花  
人安在燕巢泥落淒房櫳昔年種花人更古瓦棺篆蝕埋  
冬宮芳菲入眼真若癡野鳥啁嘶思悲翁深松茂柏鬼所

愛豈復念此花。一叢我今屈指到三十。觀河往日顏難同。  
肆情繁華。乃兒女感時有涕排蒼穹。安得根株盡拔去。閉  
門抱甕栽。早菰宵闌酒盡。憤亦墜。仰見明月摩青銅。

初夏過無隱庵

竹借一龕綠。雲留半榻溫。潭空窺鳥下。閣小倚山尊。午寂  
延松籟。春歸賸屐痕。樵歌招客起。曳杖指烟邨。

雨後至天平僧舍

巖峭濕雲流。閒軒颯若秋。瀉泉落薜破。墜萼網絲留。歸鳥  
忽爭樹。夕陽仍戀樓。四山新翠好。盡與錦囊收。

湘雲曲

題國初女郎潘  
湘雲小影卷子

東風吹甦紅心草斑斕愁聽西陵道涼蟾吐娟寢不成嘯  
眼垂鸞對霜曉瑤階妝額透冰花琢碎春痕怨玄鳥狷管  
一聲舞玉塵睂烟漸蹙青梅小撒珠郎遠口銜闕繚玉摧  
燒歌決絕嬌魂終戀鮑家詩撇波唱到寒星滅膽娘綺窗  
馬蹴裂秋眸一鬢寶刀瞥粉乾鳳子抱瓊枝唾孟拋盡景  
陽血好把銅人清淚洗麻姑鳥爪復長幾金篝與蕤返魂  
梅花房手接鱗雲起

贈袁仁虎

著書何似錄奇方笑擲車前塵垢囊獄吏威曾鞭寧越市  
人價早識韓康長鑣短褐迷山雪玄牝丹砂急鬢霜各有

填句消未得三升酒後慨當慷

贈黃真

赫連刀柙闕星文不使雕青年少聞學咬菜根來嚼鐵分  
攜屐齒李摩雲呼鷹臺上西風駛走狗塘邊落日瞋君自  
悲歌倦回首賞詩麟閣羨儂勲

初炷詣杲師院

出郭市聲閒鳴蟬亂客語秋原試稻花清颼吹白紵雲影  
散經幢苔痕上藥杵古香登滌城夙契慙俊侶叢篠映須  
眉淡若空山處瓶笙出清籟研池含宿雨禪悅盡忘言天  
光發定宇還看鳥集掌白粥支鐺響清磬送斜陽歸路仍

殘暑

九月晦日官司馬

懋斌

招同胡

量

王

曇

倪

稻

孫

徐

穎

齋中觸菊

朝光入戶乾鵲噪露華滿庭病蜨冒每思淒雨湫風過正  
喜浮花浪蕊埽披衣逕欲約朋邀折簡何期許客造北郭  
南園臭味同青猿銀鹿犇波告應憐肝肺太憂煎不惜醇  
醲聊宴勞春憶河陽赤縣多秋還彭澤衡門到當筵煜爚  
影移鐙促座參差語側帽傳延年共九秋心劉白墮知千  
日好醉顏掩映暫生妍病骨支離誰競傲瓏璫餞指食單  
蒸骨董鬻慙塵釜芼花邀笑口劇婢娟客佐雄譚恣排莽

風微錦幃蕩珠塵霧重舞鸞翠鵝一聲驚雁帶邊笳萬  
片寒雲捲城隴停柘深念忽膺呼借箸良材但心禱金隄  
蛟蹴掉尾高邱山蛇據厲牙暴縱令王景善行隄猶恐韋  
堅難轉漕楊子院無網戶停河陰倉久雀鼠耗固知雁戶  
盡魚頭況有馬人慣狗盜

時寶山縣被海盜

良吏眼前推孟嘗重

臣班列夸周竈已把秋光爛漫酬那忘時事汎瀾報騷客  
無慘落蕊餐耆賢有福甘泉導移來籬下足清吟開傍戰  
塲有深悼

岑參詩遙知故園菊應傍戰塲開

却欣良會接風流自省狂言

合驚悞更殘鐙暗獨擁衾花影酒香疑在裛從前作賦憶  
苗肥此後題詩歎根倒

題寒鐙課子圖

徐雲客  
婦李氏

孤鴈影不窺，玄弦聲不和。  
采柏柏可餐，汲井井母唾。  
寒缸心共煎，遺編淚應流。  
兒寒母復悲，母悲兒敢憐。  
纒急腸愈迴，讀高腹寧餓。  
百年晝燭身，三冬短檠課。  
貧女惜膏明，山鬼矜燐火。  
大蒿牆殘焰，閃湘軸清芬。  
播令我孤露，人掩鐙悲無那。

和女郎白真真蕪湖淨樂庵題壁詩

詩中自序言吳人住靈巖山麓

己字人矣淪落不耦同一老嫗將往  
薄陽友人涇縣包慎伯見其詩言之

才調前身是玉兒，衍波箋賦曉寒詩。  
娉婷自悔深閨惜，有福纔能嫁餅師。

公是年三月才  
盧家雙燕到春歸身似楊花陌上飛不忘帷中新婦揀娟  
行烟視送斜暉

帛聞船逐晚潮開霧鬢風鬟掩鏡臺夢遶采香涇上路長  
年女伴踏青來

絳雲樓已劫灰過蕭寺吟詩斂翠蛾今日相如真犬子夫  
君思莫若流波

### 弔虞山

中朝黨錮久齊名江左風流更主盟榻畔茶煙尋慧地鐙  
前髻影倚新聲

張谷妾名新聲見羅隱拾甲子年事

良臣孟勝原求死國士

戎夷自惜生一掾埋憂吳祭酒至今霜月鑒淒清

呂氏春秋戎夷



謂其弟子曰我國  
士也爲天下惜死

### 歲暮歎

歲暮歸來羣碎集家計將半如束濕編菅補屋猶蕭蕭折  
券主家仍戢戢母病腹府經旬眠妻孥環立窺囊錢苦言  
藥餌無珍物若問薪蒸減爨烟兒嬌困向龍具卧覺來便  
語阿耶餓搥牀橫索梨棗錢欲加嗔喝豈其過鹵莽此生  
足悲咤古人自立非憑藉敢塗五載未松楸束髮他年要  
婚嫁養生送死多乖裏覩顏何者稱鳩才挽衣出外打野  
裡忽驚索責燈火來東家涵削意氣驕憤鼻已換長鬚貂  
管子立政篇百工商  
賈不得服長鬚貂

如椽蠟燭然深宵百萬一擲五木梟

書生偷暇寒窗裏二尺短檠課數紙

新年雜詠

拜年

吳俗元旦士女鮮衣靚妝授粉作圓子拜年往親賓具酒饌相勸又以竹籌分狀元榜眼

以下擲采勝爲上

熏爐灰煖燭光紫連街爆竹開門喜闔中  
擘鏡插邊花厨下注湯瀹圓子主人衣冠鬥簇新  
拈香先拜家宅神祖堂灑埽瞻遺像髥盤釘果長筵陳  
璫瑜鋪地須賀歲老幼喧闐擁肩背乞得兒童拜節錢  
奴婢顏開各有賚門前已報親賓至咄嗟辨具皆霑醉  
更出骰盆返撿魚博得渾花知吉利貧家寂靜飢雀窺柏子  
當檐樾不開惟願年豐无癘

疫要看雲氣何方來知交落落有幾輩紙閣蘆簾鎮日對  
笑慰山妻翠袖薄齋廚早煮梅花粥

接路頭

吳俗於初四夜祀財神謂之接路頭吹螺擊鼓每至達旦卽集親朋飲福比戶皆是

昔年送窮鬼今年接財神抑掄永絕迹利市常臨門家家  
願得財神佑魚肉腥臊雜銅臭富者鼎俎貧盤飧終夜有  
聲共奔湊富須積累同師氏貧要商量借車子願鑄橫財  
三十鑪翩跹裘馬成丈夫主婦再拜語分明旣願金夫金  
滿籬遶床堆却渾不用與神守此同死生睢盱偵視神色  
喜嗇衣節食方畀爾倡家亦出脂粉錢酒脯羅列彈神弦  
麟趾褒蹠日一銖爲神繡作緋袍鮮賺得宵終己果腹造

化小兒眉更蹙雄雞一聲白日高魚鱗萬衆爭錐刀

賽猛將

村氓各迎賽猛將彼此相遇不肯讓畔往往鬪擊又結綵設棚神坐於內邀他祠之

神共飲語言酬酢皆人代之雖甚款洽必紛爭而罷

東邨懸牛頭西邨爛羊胃小榆之月早經營新年始聽歡  
聲沸東邨西邨各占祠紅巾抹額旛殷地儀衛已同一字  
王鼓吹仍是將軍例雜色打譚隨參軍尺八花腿來跳神  
小兒膽碎婦色變指天畫地言神嗔銅角一聲逢兩隊赤  
棒前驅早擊碎東西相持不相下土偶無言人喊啞社公  
刺促主臣辭縛苜宵闌幾未罷紅旗一角颺前村菴廬懸  
綵羅芳樽會首攔門長跽請舉觥強酬相紛犇牧童拍手

神已醉杯櫟對擲巾幘墜老拳毒手兩遭縻獸挐鳥竄空  
好會莽將軍昔統背嵬摧勁敵今分鬼卒矜愚氓來秋短  
狐害苗稼此神不靈乞彼神

鬧元宵

一色人家以擊鉦鼓打盆吹角爲樂架放  
煙火謂之鬧元宵其聲聒耳客有造門者  
不應也

韭餅薦春盤油餛出翠釜滿堂飽食座圍鑪嘉興鑼鼓合  
伎部搭羅火臂一丈白篾片承歡接新譜初疑救日食一  
天鼎沸討妖孛又如催春茶千山雷動驚幽蟄直將九九  
餘寒消歲朝先鬧連元宵遲回更作十番細雲鉦幽迴遶  
淒戾嗚嗚篳篥馬前猷翻作將軍出塞意羊鐙錯落瀉金

舫主人留客矜雄豪錦棚烟火西洋法鮫宮幻出星辰高  
富家易過元宵景窮氓坐愁四壁靜方今聖世尚和鳴金  
革噍殺非人情寂寞草元揚子宅夜闌惟有讀書聲

人日

約蹋青先羅韞裁盼歸燕預畫簾開鬢邊風軟簪花勝樓  
角霜消點玉梅午夢雙明心字篆春痕一碧錦紋苔上元  
長是相逢節蠟淚西窗記撥堆

雨

遠渚烟昏引櫂開隔檐雲重壓山頽半牀書綠當窗柿雙  
屐泥香滿地梅小疾每嫌吟暫廢長貧猶望客能來兒童

挑菜歸掀笠，櫓袖鑪中煨芋魁。

送顧庶常純入都

潞河新漲碧於烟，好趁歸鴻到日邊。  
草綠春衫侵遠道，槐黃席帽憶當年。  
地居將相儲材始，心在文章報國先。  
多少龐眉舊書客，青山遙羨祖生鞭。

懷人詩五首

吳編修雲

吳侯文章雄，鞭叱到雷電。  
燭闇虞淵升，摧堅赤堇鍊。  
隤丸節鼓棹，駛轅掉牛羈。  
目已八代空，心豈五都銜。  
幹才循迹求，眈眈漫相睎。  
輝輝綴浮萼，霍霍被文練。  
灑知泉逾潤，條

若雪消現多憂髻早蒼長貧思愈絢長江呼酒澆高牙投  
刺見載書常滿橐草檄不用研及登著作庭應直承明殿  
詞賦動高聽才略擴遐眎捉麈恥清談借籌快曲譙悲歌  
易長吟愁盞難淺嚙澹薄俸頻請辛勤屋未奠翻思大被  
周要令廣厦徧熏沐出現奇膏澤資盼倩古人易相先小  
爰付已殿吹煦背浹續游揚耳殷瑱春夢隔渾河使星到  
羅甸寒膠媿三折冰壺羨一片輕陰已釀雨餘寒復搏霰  
鳴窗有敗葉語巢無早燕塵面侵慘掩愁心劇棘枿安得  
重過庭良規起瞋眩

錢布衣

履坦



錢生老布衣長身望若鶴論事或頽唐嗜酒乃竦躍少年

業攻苦讀書不闕晷筆鈔抵生手程課杖捫腳經傳碧紗

幃

君族姊浣青夫人  
通書史少嘗受經

劍拄青油幕呼月武昌樓長江杯底

落柳花撲征衫紅蠶飢曲簿忽憶采桑人清夢飛粧閭貧

遊足短氣老大猶落魄詩書汨塵土錢刀窘囚縛登場輸

歡笑掩戶私驚愕壁立看家具軸轉仍旅泊昔年遇淮海

長日破蕭索沾脣沾鄮白點心漉不托簾紋籠方罨墨痕

滲輕削刺促憂愉陳慨慷肺腑託談深襖被留興發書窗

拓鵬然枝秋雲颯雨飄敗擇三年過金亭重繫青絲紉幘

風聽蕭寺檐雨動春酌淅淅隨逝波杳杳送行櫳鄱湖狎

輕軀匡山舉芳葯耦耕期穀芟孤鶩漫寥廓能狂其與幾  
顏悴諒已各非無冠蓋交言甘味亦薄雲停元亮思雨違  
仲宣約疎星點橫枝寒香夜深嚼

褚孝廉通經

褚大工談說決若昌樂瀧轉喉多嘲哮撫腹常降肛元年  
識子時盛氣雨不降短鬢緒自緝弱髓鼎或扛勞鬱獲白  
衆隄防并逆泮脈張中乾怯舌橋內省懣叩寂響必答尋  
端言非哢旁人亡瞽睂承睫所瞪眈促座拋敗屣檢冊呼  
明釭專塲淬背距全軍韜旆扛酬酢衷共愜得免老潏鏹  
直道世多喪多聞子無雙汲汲於宦達驢背酸臄慙苦心

求一第偪仄厠大邦擾擾富貴兒臍臘解饞饕鰕臠如巨  
象獬戾等驚厖子持斯道去渾流捲枯椿果然多齟齬一  
飽惟絳驥又聞艱僕賃握槩下湘江炎土跼葩屢急灘衝  
蜚艘忽忽過三載蛛網冒書窗嗟余久玩愒恃誰發愚惓  
窮餓奔存喘雌伏不聞楚冷風旣弗弗亦淙淙鳥穀  
理新哢童牧樵舊腔聯襜憶由敖發矢夸降驥野草披葦  
尋古洞探崆峒日暝難覓徑露滑危度砭從子離香水嬾  
復竄石幢俗情困顛顛領得母傷敦麗挑鐙寄短韻伏枕蒲  
牢撞

宋孝廉

翔鳳

宋生非老吃期期辨經史裴郎碧鶴雀魯連黃鶴子日嗽  
僅一器歲錄乃千紙東南祖鄭學朗月懸可指嗜古君更  
專掇拾盈斐几披沙碎金燦嘗鼎禁鬱美精心畧糟粕孤  
詣窮原委哆口向老輩斂手無能訾古文復醇雅側篇亦  
旖旎惟悴寄閒情要眇驚俗耳薄宦憶高堂白雲指越嶺  
斑管貯香奩古琴攜翠被笑向比肩人烟煖武陵水覽鏡  
篷窗推吟詩蘭漿倚野花發叢菁蠻歌集小市繫纜竹王  
祠黔山半天紫屈指到明廷援蹶六千里如何五兩遲猶  
其輕鷗止落月對古槐春風送芳芷朋好多睽違生涯少  
料理憶昨過草堂擁書百城比虛衷過自挹苦言每相示

寶珠入海探精騎卻敵靡汎濫迭自憊切近差堪恃苟非  
所造深安得斯言旨惜君清癯質土風慎視履沅江泛桃  
花尺素傳雙鯉

包秀才

世臣

干將寧補履金鏡那函食涇川有少年搔首悲失職八口  
惴朝昏一身賴南北慷慨論遠猶從容道遺直旁人應且  
憎吾子爭猶力舉杯耳私傾啖肉口期塞仗氣空睥睨策  
慮終膈臆佩韞假麟褰處藩披隼翼肥家固本懷免臯聊  
強飾資淺馳聲譽位高守慎默仰屋雖隱憂保身僅庸德  
誰將政本書一爲陳皇極抑抑向風塵慘慘持顏色錐刀

有訾訾菰蘆共悵悵毘陵固多才子交盡英特淹留歷裘  
葛抄撰費紙墨盤飧惠可推橐裝力鵲得倚閭母附書拚  
閨妻嘆息庭槐鳥換巢簾書蠹半蝕惟有故牛衣淚痕應  
可識料知四壁靜飢寒聲啾唧不歸旅夢驚欲歸生計逼  
磊落子何傷蒼茫天不測百斛置囷中萬卷羅座側益探  
往古秘堪令後世式霸畧嗤蜀才時務笑崔寔聰明豈多  
遜顛躓何太刻區區造物忌一一吾儕嗇江干細柳黃江  
外浮雲黑花聚征衫圓樹隱歸帆直故園筇發時明月兩  
相憶

黃孝廉

成

戲作寒宵破寂圖屬同人分詠得火箸風

爐扇子二首

熾炭覘茶熟沾薪拾芋香  
竈觚籌得失鼎耳附炎涼  
炙手持還急灰心撥更揚  
相思閒畫字明滅總難忘

本異齊紈裂聊分鼓鞀功  
垢癢何日洗香汗昔時融  
小扇童奴炤輕招少女風  
竹爐灰燼後撲燒向牆東

宮怨

初月當階獨自看  
期門何處御金鞍  
紫宮自有雙飛侶  
鸚鵡簾前莫道寒

戲贈胡元謹以佩刀易酒

百金龍雀響連環  
擬刺飛泉踈勒山  
解贈征鞍星厯厯  
夢

迴破鏡月彎彎朱門長鎖彈人切白首毛錐供爾閒一任  
千牛齋帥佩早攜雅興入雲關

展上巳日放春近郊

市斷青旗小山凝翠幄深一江遊子夢雙燕美人心卻扇  
花香襲滿裊草色侵交衢看舞馬躡躑背城陰

有贈

裊栖峽蜨髻承鸞璧月瓊枝共夜闌索賦錦鞵酬細步踏  
青時節喚儂看

生來記曲侶流珠襍飾颺菁跼錦瑜誰作細腰宮院子綵  
雲舞罷要人扶



促座紅輪帔角開雙蛾追綠到深杯書生想在芙蓉鏡消  
得花光四照來

催動蘭橈未解醒畫船簫鼓幾陰晴叢鈴碎佩關清夢葉  
葉梧桐作雨聲

苦雨雜感十首

積雨疑天漏檐聲碎客腸酒清浮蟻白麥爛出蛾黃屈指  
看塵釜驚心臥壤牆料知小兒女戲縛埽晴娘

老母仍扶病漚麻夜翦鐙天陰知骨痛地濕怕痰蒸對案  
猶糟食懸桁少故繒課晴并問雨只欲望年登

山妻百事拙風雨更悲歎牀漏推兒起書霉檢蠹安十年

敗絮擁四壁舊題看念我吟孤館燈昏曙鼓殘

那望禾三變新秧藻荇埋林原驕黑蜨村落沸青蛙伐竹  
朝穿鵲烹蔬夜藝稽老農相勞苦何計是生涯

縱把孝經課難消狼顧心肯哇狐父飯恐發葛盧金所幸  
宮鄰泰猶愁伏莽深九疇初政急不必患淫霖

近聞瓠子塞漕輓慶銜艫北戒長淮拒中原列郡輸商羊  
休更舞白馬已頻屠矯首茅檐底高歌一腐儒

瓜蔓卷渾沔長波撼戍樓纜船高似屋擁褐冷於秋萬瓦  
聲九放孤檠焰自收酒杯還屢空何以答清愁

朋好斷來信卷簾睥睨高老魚橫鬣上怪鳥攫枝號下甍

惟尋睡奇觚那用操生憎遶屋樹風動益騷騷

滴瀝空階寂三淵尚守星鐘聲遲上月竹色淡流螢細溜  
方穿徑跳波忽打萍朝來拄頤坐八表又冥冥

直欲蘆灰過須憑社鼓敲壕寬投石燕山靜走神蛟瓠倩  
胞人煮魚尋谿爓包遙憐子桑戶裹飯待朋交

重苦雨雜感十首

厥罰何常雨山雲觸石多縱然稱澤國未可倒銀河比舍  
連牆塌通衢踏浪過驚心三伏到猶自勢滂沱

積水堂坳上吳儂軟腳愁山看圍蜃氣人擬戴魚頭負郭  
炊懸釜何方糴汎舟海隅全飲啄寬大是良謀

聖恩  
懷臂羣思逞搜牢富室殘頻聞枹鼓發那怕惠文彈此輩  
終爲盜平時尚畏官急須投虎穴創艾庶能安

自幸無僭石猶愁挺白徒明廷多盱食思次罷晨趨懸磬  
民情急褰帷吏治須早將荒政議五馬漫踟躕

鴈鴒鈴聲接萑苻聚此曹星沈魚鑰動風急雀環高役苦  
追胥作亭宜游徼勞長生兵尚熾直恐掩城壕

晃眼湖波闊平疇水沒臍半扉紫敗網一柳界橫隄策犢  
城東賣驅雞屋角栖近聞平米價老幼暫提攜

又說金隄潰魚山逆折平陸沈千里勢邪許萬人聲慘贖  
窺天意恬熙累俗情虎符如可發賈魯亦名卿

恨說江東價難辭道路言旅師行斂野市令坐當門積穀  
空張額開倉已感恩天困星似乙和糴更誰論

白日街彈急清宵大鼙長傳呼長吏沸奔命剩員忙什伍  
奸休匿鄉亭警更防犀渠并鶴膝比戶要分張

歲歉休賒酒才疎更讀書踞林鳴土鴨探篋走衣魚尚論  
兼歌哭全生任毀譽不知雲漢詠擗爪望何如

時京師旱  
上躬

詣黑龍  
潭禱雨

### 舟泊龍潭

舵樓飯訖倚餘醺萬柳迎風織水紋一段斜陽篷背掃青  
天未肯抹微雲

草屋如瓢覆水湄纔收雨腳紵衣披西山猶把殘霞妬遲  
放松林月半規

短笛橫吹露濕衣篷窗不寐待朝暉瓦盆賸有蘭陵酒趁  
醉留題燕子磯

金陵懷古十首

鍾山形勢壓朱方玉兆祥開策子綱望氣秦人空虎視橫  
江晉代亦龍驤紫髯末路神書出青蓋何年蕝菜兂三百  
餘年開霸國白門眞慣送降王

五馬南來又帝京神州戰鼓迴無聲登牀相自推王導掘  
冢人猶恨顧榮幾輩權臣移柱矢百年孱主酹長庚卞侯

廟貌終千古獨聽江潮打石城

山色新亭碧四圍樂遊曾此載春旂田園猶異車猶在羣  
履鳥衣巷已非閭外刀光驚慣見關中旆影惜輕違槐風  
松霧羣官淚贏得玄宮宣貴妃

燹火樓看露布馳鴻溝舊宅笛橫吹驕嘶赤馬滑宮日噩  
夢金鷲搏殿時湖堞幾迎仙仗遠寺鐘剛動曉妝遲絲絲  
閱武堂前柳不負東昏是玉兒

臺城近接冶城樓嗚咽青塘水不流腰漫十圍減革帶身  
緣一夢缺金甌板橋果馬江無畏水闌竿人盧莫愁忍取  
哀江南賦讀檐鈴合作白楊秋

擊柝聲聞戰壘多，覆舟山喜奏饒歌。不歸庾信陪鸛鷺，未

死王琳張鶴鵠。玉樹何能消王氣，靚粧那可執干戈。

用伐陳詔

中語山陵不及胭脂井，璧月年年影翠蛾。

武帝陵爲王頌發張麗華墓有光若

鏡見方輿勝覽

輿勝覽

卅六英雄負此身，昇州何止庾公塵。虎須將得臣心異，狗脚稱時朕命屯。殷擲渾花驚座右，圍開豎尾耀江濱。丹陽大有襄回志，付與它年照鏡人。

清涼寺是舊朝班，睥睨中原夕照間。邊佛子持專闡節耿，先生綰望仙鬟。霓裳椒殿雲千片，羅轡香階月一彎。白首江南徐騎省，可堪重弔樂官山。



真人一劍決雲開，萬里名王闕下來。  
正統有君居建業，元功無相畫雲臺。  
殘獐夜墮端門血，雙鶴春寒火井灰。  
千載淮清橋畔石，淒風湫雨長莓苔。

明史葉黃觀妻翁氏投淮清橋下死嘔血石上成小

影陰雨則見

文物留都自儼然，君臣春夢共纏綿。  
登壇張燕由羣盜，入省盧攜本賸員。  
膩粉傾來化芳草，彩雲散後卽寒烟。  
蔣侯小妹青溪上，葉落風吹又幾年。

花首攜琴歌爲吳

慈鶴

上舍作

銅鉦挂樹高一丈，五色靈禽爭集掌。  
仙人凝睇露華雙，咳唾隨風衆山響。  
吳郎襟裾佩飛霞，四百峯頭結遐想。  
採芝

更衰號鍾琴攀陞不指靈壽杖絮雲一片如鶴飛鐵橋斗  
落層城低百畝榕陰巡瘖虎千尋桑蓋鳴天雞卻指一峯  
最奇絕巨石齒齒摩冠筭龍伯斫斷蓬萊股月戶琢就廣  
寒梯旁岩拂石彈再鼓匹練卷空飛白雨成連一去葛洪  
老千載空山逸韻補蝦須四赤應潮來蜨翅雙輪拂林翼  
按節鳴淙瀉石樓停弦海霧冥銅柱野人散髮不記年指  
君大似蘇斜川石室琴牀蝕苔蘚摩挲重把鸞鳳鞭一聲  
清嘯戛林樾松花亂落丹砂泉兩山風雨合離意七條水  
玉斷續弦錦囊帶得烟嵐重龍德雅音未堪諷大弦簫箏  
激深叢么弦鍾乳鳴古洞我有幽懷更激揚欲攜鐵笛吹

三弄矯首鵝城萬疊雲窗前月小梅花凍

長句贈周二

濟

北上并寄懷毘陵張

與權

李

兆洛

周

儀暉

涇包

世臣

靈壁高

蟠石

諸子

銅官山下一年少嗜古急若追亡逋積書五笥恣探討鄉  
媛將盡凝龍珠刀礮石錯學精好出遊翰墨交鴻儒尋章  
摘句非素志發策決科寧異趨一入風簾然官燭孤羅據  
座驚睢盱得人競夸龍虎榜侍郎朝服賓興俱光榮嘖嘖  
羨鄉國聲譽鬱鬱馳上都嗟余弱冠綴文筆軫才自笑鑽  
堅瓠鏤心織辭赴小技寶山旣失淘金麈生年三十未聞  
道聽瑩志枯渾忘吾包張二人乃不鄙狂狷一得爲噓枯

險熾抵欺身躑躑米鹽瑣屑口噤嚙聯座捫心偶感激攤  
書仰屋常嘻吁君從二子得稱說觸熱顧我禪襟濡鍾山  
濕雲壓書幌白門細柳圍酒壚翦燭悲歌斫地劍振衣長  
嘯彎天弧賢豪聚首不易得一伸眉字憐須臾李生粹然  
玉界尺伯恬晉卿清而癯靈壁高生尤忼爽縱橫智畧通  
陰符別來低顏向流輩齟齬肺肝非丈夫獐麋攪地驚羣  
鳬孤蓬歷亂雲滿湖此時瑟縮茅檐底蹙然子復臨荒塗  
相共聞雞蹴被起相從解佩提壺沽城西沈徐皆好事酒  
酣爲我熬淳母醉墨淋漓志良會驪歌揮手迷平蕪看君  
袞袞黃塵跼一第得失與人殊要知對策上金馬終勝抱

璞藏菰蘆况逢聖道張天網尤企國士恢  
皇圖古今參互有良法先後施設須成模  
讀書努力斬不逮何至發篋遭胡盧惜哉  
包生經駁放羈留到處如賈胡張公酸寒飢  
欲死登山孰可庚癸呼望君著鞭語同志  
惟驂有靳翔雲衢我今伏處空矯首明星  
厯厯天上榆幸有數子滯鄉里考憲問業  
砭其愚方名教兒畧記憶菽水奉母稍歡  
娛百王陳迹發光怪菁華斟酌抒奇觚雲  
龍追逐相上下此樂亦足忘歲徂嗚呼此  
樂誠難量一瓢一簞何能無

冬日

閒庭葉落鳥能銜黃獨苗空倚藥鑱  
賒酒未來先滌器賣

書難捨更開函絲絲芳草懷長道落落寒松對古巖已把  
案頭殘藥定一盂豆粥解清饑

小除夕

何必天涯戚蓬門亦自憐驚心過歉歲搔首奈明年釘座  
無乾豆看囊僅幼錢親朋頻責望不覺受恩偏

不忘梅花約明朝指翠岑貧難耽雅致愁亦破長吟此夕  
窮簷恨平時廣廈心背人清鏡攬衰白莫相侵

守歲歌

一年光景今宵多百念暫息如澄波莫嫌壁立少家具圖  
史左右堪摩挲廚烟不取勞薪爨鏗然盆盎皆刮磨芋魁

糴羹勸一飽瘦妻稍得開雙蛾斗酒鄙人自勞苦盡醉豈  
必金叵羅諒無宿飯街衢棄分歲共祝蠲微病小兒懂得  
消夜果桃符戲縛來驅儼鑑煨梢促團座袖薄出手輕  
寒呵貧家清寂固可念高門鬧若蠶歸窠手握六觚身障  
鹿蠟淚滿浥銀葉荷又有長髻大腹賈責臺難避刀置鱗  
更憐窮氓當此夕飢腸沸潰如盤渦今年淫霖蛙蝸鬥大  
畦汜移餘把禾私家稱貸了無策何況悍吏勤催科叫喚  
秘枕旣幾破毒手雞肋爭投梭瓦燈一星熒敗屋乾嘸濕  
哭雙滂沱金錢載車亦小惠坐眊疾苦將如何書生自笑  
每過慮磬空稗米同么腐華年不追蛇赴壑來日大難馬

注坡平生志業呼負負窮愁鬢髮常恐僑有時雄心思一  
擲氣吞赤岸鞭蛟鼉疎狂自計同散木亦復雅頌工研摩  
有懷僅可縈夢寐出口恐致流俗訶更聞雞聲催膈膊仰  
見斗柄低庭柯人生通塞固有命粗益扣杖聊高歌

元夕懷公車諸子

燒鐙時節落梅風初碾香車草一叢詞客年華如月滿美  
人眉黛與春融頌來嘉樹南中橘思入離弦北鄉鴻自笑  
窗間一經老短檠還有素心同

送徐大題北上

珊瑚彩筆點青春風引鞭絲卷翅塵一第名休競龍虎萬



言策要究天人自傷卑賤無投足只望交遊早致身舉舉  
江南充賦子五經誰得似紛紛

雜感

自覺歡悰少濠梁趣莫同春移花影外夢斷雨聲中命轉  
艱難惜詩寧愁苦工山雲蒼莽態矯首愧長空

不聽鶯聲急那知春去來孤蟾窺燭短遊蝶報花開接物  
言休墜期身志莫回靜中聊鼓舞何用問黔雷

徐大

頤

李四

光洛

周二

濟

俱登第詩以志喜并簡黃

大

成

一紙傳來千佛名摩挲眼向故人明魚當燒尾知甘苦豹

若留皮定重輕幾爲放春悲去景也從呼旦快先鳴鐙花

細剔澆杯酒莫聽檐前滴雨聲

吳中首夏  
苦雨傷麥

題襟往日共圍鐙齷齪容顏只自憎一第粗如償折券千

秋還與壯行滕從知書史窮堪慰轉使妻孥愧莫憑老大

便爲貢公喜齒牙勝否啗紅綾

黃來語云知績學汲古者  
亦不盡斥於有司貢公之

喜可

知也

和徐穎述懷

彼美偃王孫弱年富文史逸翮不可鍛高歌竊自喜涇壺  
牯塵堞激昂露風旨苦言砭心脾林表髮清徵上謂通經  
術卿相任器使下云工簡畢稷嗣稱髦士春秋幾三十志

搏限尺咫醜怪疊嘲弄神明紛茫厖繒布不知異紉縫那  
得理我亦蹇屯人蒼芒感無牙道遠斷捷足天高乏近耳  
陶甄任大化何容別醜美鬱鬱春木茁潛苔未坼紫豈怨  
雨露偏託根縣歲祀鮮鮮橘中蠹五色凌風裏速化誠得  
意掘莖卽枯死微言肖翹物古人可徵矣潛夫論何高浮  
沈終州里元叔賦窮鳥良璞疇剖視彼皆擅健筆哆口如  
流水空抱凌雲氣仕版不得齒吾黨際文明遇合豈預擬  
幸處都會閒師友晤言邇衣食謂頗艱肉格猶求市但尋  
唐述穴莫問延恩匭苦心求愉快雅量消傾否秋柏實易  
化豫章生難指胡用自抑塞多憂損繁祉憐君早孤露四

時撫髥几賢兄學早成切劘求實是人推大小馮所造孰  
能訾今年登上第門戶固可恃汲汲又奚爲稽古幸餘晷  
適符豹隱霧寧謂鸞棲枳婚宦情所縈室家道伊始錦水  
有雙鴛澹沲逐芳芷蹇修召不易寧戚膏有以坦腹已便  
便畫眉終爾爾春蠶絲自纏學人貴克己如我始欲愁才  
薄日循鄙苑同下體葑塢若道旁李苦辛作家督日昃爨  
烟起依人是良謀讀書乃餘技尚願砭其頑千秋一翹企  
汲古渺長纈用世僅尺箠與子共勵志同調出綠綺作詩  
以止怒煩詞媿滿紙

無題

問字鐫瓊佩差年記玉筐香桃編骨瘦錦瑟等身長火鳳  
工含蕊冰蠶輟報章剪霞開襍飾寫月門新妝薄怒持殘  
夢微波送夕陽背人猶照鏡窺客怕鳴璫自約鮮卑帶誰  
牽叱撥韁鵠文花片落燕尾柳絲將注眼釵頭鳳圍肩被  
角鶩九枝鐙錯落百子帳迷藏別緒封書密要盟射覆詳  
蜨窗虛菌閣寶玦闕蓮房幾歲金魚澀中宵玉馬涼去同  
曹吉利歸卽杜蘭香本不勝羅袂從知理繡牀橫陳襟卹  
削小立視相羊媚蜨栖裙色神蛾咽燭光露眞孤桂樹日  
但宿樽桑緊繫芙蓉袂濃煎荳蔻湯葉君還一合太白永  
相望想像褰帷笑遲回撫枕傷蘅蕪通武帝雲雨隔襄王

石闕真銜噬車輪獨轉腸鸞迴驚隻翠列憶重行步爲  
侵階細娥緣接席揚壁偕雍伯奉歌逐女夷颺紺唾應留  
看珠塵幾得量共熏銀鉛匣憑敬木倉琅往迹春駘盪遺  
棕水混芒寧闌卻非室只限莫愁堂霧擁同心髻風搖四  
角囊紅綃千點淚好貯女兒箱

幼學堂詩稿

乙丑夏至  
丙寅冬至

吳縣沈欽韓 文起

懷人詩十二首

并序

客授無繆頗憶良會述其軼迹綴以小詩抽毫命辭如  
接歡笑

吳郎定省青油幕著述牛腰好自隨春到羅浮剛一半海  
棠花下合題詩

吳上舍慈鶴

周郎年少通經史三爵風流更憶渠看盡豐臺紅芍藥挑

鐙應艸萬言書

周進士濟

張公早歎鬚毛秋三篋亡書矻矻搜載酒駕湖休弔古畫

闌煙雨供清愁

張茂才與權

雲中走馬昔年豪多病詩篇手自鈔寄語傷春杜書記秋

高能賦廣陵濤

彭上舍兆蓀

吾家昭畧箸狂名勝侶相逢眼亦青誰念林勲求本政竹

西歌吹貢茶亭

家上舍培

符離睢上有高生鬱鬱胸中富五兵想共淮陽輕俠客對

牀風雨聽雞鳴

高茂才蟠石

庾詞譴浪千文虎掌故臚陳五總龜三婦艷休傳好句四

先生可緝遺詩

謂嘉定四先生  
顧方爲山長

顧明經日新

安生高議石渠中偶向吳門作厲公欲把清愁懣仙佛紫



姑小語燭花紅

熊員外方受

張祐新詩近若何  
陽關飛雪暮鳴駝  
鴛機夢冷黃紬被  
吹

追羌渾敕勒歌

張明府若采

年年下第奈貧辛  
只少常何作主人  
四十又將金鹿悼二

毛蕭瑟帝京塵

宋上舍璣

名士槐街集似蠅  
周生藹鬱齒如冰  
懷中撰得阿房賦  
誰

是當年吳武陵

周孝廉儀暉

讀書萬卷解連環  
自愧虛名月旦閒  
他日子雲亭下立  
可

能容我作君山

李進士兆洛

漢紀

警蹕聲清事莫追雄風猶憶射蛟時  
虎符急爲金隄發豹尾虛將玉輦隨  
誰卒夜聞立服入山君歲見赤囊馳  
賢良寂寞鷹鷂志只有安昌作帝師

立秋前三日偕陳都督

大用

熊儀部

方受

倪茂才

稻

孫陸上舍

銘

詣海會禪院禮佛倪先有作繼和奉

呈諸公并臬堂上人

雲族移遠山風籟遶深樹疎雨橫江來新秋淒暗度徑滋  
落蘚痕龕儼金膏炷靈香醒慧根妙色空諸趣暫駐方長  
思久渴益深慕良會及茲辰脫畧形骸故共將精懇誓冀  
挽陶鈞誤念彼淮壩民水厄等沙數濁浪涌腥涎壠里結

苦霧吏治愧流亡佛力拔沈痼聖賢道不遠悲憫心有素  
我生一靜觀浮世資善護蠶衙碁局殘蟬翳槐陰暮談麈  
聊自恣粥鼓且小住碧玉洗流泉紅衣怯清露翛然綠天  
中呈佛得新句

宿海會復得長句

諸天香雲散瞋瞋虛堂僧定鐙火昏徒歌杳杳發孤榜青  
燐燐燐歸荒村鴉翻人影憂林樾鼠窺佛座鐙瓶盆月斜  
磨鎌界屋角雨足滴乳沿松根壁間龍象吐光采牙鬚磔  
裂驚心魂頗疑石幢幡影颭散花一捻長又痕紵衣感秋  
覺痒癢鑪香達曙猶溫磨吟蟲孤迴夢境切法鼓闌溢潮

音奔繩床一宿亦前定方寸暫息波流渾眼中宗雷皆俊  
侶團坐共把無生論各縈俗累不可駐何時結社開雲門  
扁舟江漲垂柳礙芒屨逕滑叢篁捫袈裟香染應滿裊剎  
竿回望迷朝暾

立秋日題

閨已孤根厄秋應一葉知客愁添皓月蟲語入新詩碧樹  
清多警銀河淡可思懸知明鏡裏換綠到雙眉

尊酒憑誰慰清吟只自愁吳山當落日碧海抹新秋病螻  
思芳草斑駁遠畫樓西風休太急未辨木棉裘

調王涓

曾當鏡檻畫長蛾  
零亂花陰夜蹋歌  
到得捲簾空悵望  
鴛鴦瓦冷瀉金波

桃鬟柳圈送春過  
百丈游絲未算多  
悔不乘驕歸碧海  
冰綃相對弄金梭

搖漾低光映水荷  
繞廊小喜莫誰何  
不須掉磬嫌鸚鵡  
自惜涼風透薄羅

煙生瑤草月侵蘿  
本是犍爲雙左娥  
偷傍細君量曼淥  
可憐寶鏡日三摩

新秋沈上舍招同熊介茲員外郭曉泉太史胡元謹  
袁又愷徐季雅諸人集虎邱野芳浜分體得五十

韻

蟲語明妝閣簫聲引畫船騎秋綿雨潤抹曉絮雲妍熟醖  
承槽瀉文鴛對渚眠兩鬟花市裏雙槳柳塘邊晴日陪高  
會鴻文憶昔賢獠奴馳折簡佳客敞華筵竹箭南州箸圭  
璋上國傳論才皆繡虎講學或銜鱣此地推羅綺清時沸  
箏弦蘭馨含液醉蜨軟舞風顛聊浪多菁服由敖必盛鬣  
賈人街肴梘姹女數金錢雜沓王珣笑風流顧越專吾宗  
追勝賞諸彥續前緣落蕊筠簾卷游絲彩纜牽瓜漿微逸  
事茗盃門新聯篋舫分曹泛芒屨幾輶穿美人愁去燕老  
衲語鳴蟬石骨涵金氣松梢散玉烟洗苔捫古刻吹葉打

寒泉白傅祠堂近何求精舍連蝦須紅灼灼鳳尾綠娟娟  
應有花間伎同參海上仙蜃窗眉掠鏡紈扇額低鈿駐櫂  
菰蒲淨攜籃茉莉鮮意隨流水遠吟向夕陽前林複嚶山  
鳥谿迴羈野蓮縹瓷圍客座白紵集涼天袂舉歌塵合波  
翻髻影偏彊環大垂手犀撥小比肩已接車公雅猶思定  
子憐呼來行冉冉唱出態嬛嬛香霧迷三里華鬢現四禪  
玉瓏玲細響珠絡索輕纏急醖腸應轉繁鐙心共煎鮫綃  
休織字雁柱莫稱年襲體條颺悄回頭桂月懸興酣誰作  
達飲罷獨茫然曲檻桃笙冷疎籬豆莢蕩螢囊承露重菴  
網漏星圓烏鵲栖驚樹魚龍嘯涌川難將懷夢草一試衍

波牋氣似霜鐘覺音隨布鼓捐束薪歸仰屋端冊坐移瓊  
挾術嗟文摯蒙讒戒正先良宵誠繼綵壯歲但速適契慕  
苔岑結輓憂萍梗遷隕唐康老帽感激祖生鞭二等金釭  
列通中寶枕鐫井梧終夜緊銀漢耿潏潏

詠鳳仙花爲黃孝廉題畫

桐花落後試香天省識羅浮五色仙泥露青鸞紈扇底舞  
風赤鳳彩袞邊拈來釵樣雙鬟並染得脂痕一捻妍寫向  
毫端多綽約小名錄上邵須箋

和黃孝廉食西瓜

唐蒙遠徼得蒟醬張騫絕域求胡桃回紇瓜品出最晚穹



隆有夢懷老饕

拾遺記敦煌獻異瓜名穹隆長三尺疑卽今之哈蜜瓜也

女夷乞得寶

甕露冰谷瑩此寒瓊膏平川胡嶠驚甘冷陰山洪皓蠲勝  
臊燕王怒擲茶髮几信國笑拔金佩刀當年八普容狐穴  
卽今哈蜜想猶嘈龍蹄虎掌入中國陽溪塘口連平臯子  
母鉤帶距吟陌蒂鼻蔭薺挽桔槔勢家薦新惠波甃覆棚  
沃糞寧辭勞神農赤鞭炎官繖足僵夸父頭焦鼈此時高  
軒押銀蒜碎金搖竹聲騷騷涼魚不吐冷蛇握羽扇遞拂  
風輪操翠翹調永園玉盃碧甯吸酒浮金舠猶嫌熱中無  
可解御蟬蒲鴿呼偏艚紅馬腦从井華涑黃水晶更餽霜  
淘却嗤拾皮老羆陋還夸戰子諸錢豪交牀飽啗一摩腹

滿花席滑生秋濤書生眉蹙打頭屋歎蒸偏側何能逃崇  
儼只少百錢致到撝翻思對案遭新秋纔借獻苜蓿渴羌  
真類斟蒲萄舌交鼻選鳴得意天漿滿挹神槃牢肝膽輪  
困向俗物口腹嗜好寧吾曹常羨服間身縹緲每嗟鄭灼  
心煎熬朱陵飈車隔風浪青門芒屨深蓬蒿題詩庭樹忽  
幡纒匏瓜星接明河高

過南屏訪小顛上人用張蔣塘明府僧字韻

一徑烟霏卧古藤綠天風勁透衣稜石排地勢添新鬼鳥  
喚岩扃識醉僧透隙簾光湖潏灩破空屋簷壑峻嶒歸舟  
卻趁鐘聲晚遙指西冷橋畔鐙

岳鄂王墓

黃柑夜半閃青燐齒及慈闈骨已塵  
膝褌也思施義士鉛  
笮終諱賈宜人金鰲淚盡紅旗杳  
鐵簡苔封墨詔新  
直待營齋天姥嶺九原忠義鬱難伸

林處士廬

巢居閣外四山青梅葉橫窗列素屏  
秋壯水仙迎短櫂夜  
寒山鬼語空庭松門露滴月痕小  
竹院風來鶴夢醒猶有  
逍遙潘處士醉覓想共折芳馨

臨水里謁錢武肅王祠

錦衣玉帶識英雄還爾河山廟貌崇  
古寺烟消芝草綠平

池日映藕花紅開門節度牙旗壯異姓真王鐵券空想像  
神遊歸故里八都兵擁肅靈風

葛嶺訪抱朴子墓

風月先誰主湖山老此仙鐘聲一嶺界草色四橋連幽鳥  
鳴初日長松落古泉稽留峯在望笑拍遠遊肩

舟中不寐

歌枕不成寐露華篷背多暗蛩急如雨殘月冷於波鳥影  
搖疎柳蛛絲卷敗荷荒灣橫釣艇猶有未收簑

自葛嶺至靈隱

身在烟嵐中探竒無定向日烘草木香雲宿林巒漲坡陀

迤九里突兀飛一嶂梵唄出岵巖湖光挹溶漾石氣逼天  
寒泉脈通海肚髻聳寶蓮華峯開錦步障高松摩石稜怒  
作之而狀古洞滴乳垂雜樹落花颺嵌空漏夕陽激籟鳴  
細浪開堂憶理公題厓嗤賈相夢遊神所契戀著情猶快  
老猿呼不麇歸路牧童唱

下飛來峯入上天竺

峭蒨紛送眼山外天光薄五峯白虹遶一道銀河落衣翠  
巖腹摩眉寒石齒掠丹梯入普門千步平如削金膏洩乳  
竇玉液滋雲脚空色澗松烟幽響墮筍籊蘿屏深不辨側  
聽鳥聲樂欲捫郎當嶺潺潺激激洞壑山僧狎飢飈石丈拱

靈鶴白衣昔感夢千年煥丹堊長風颯林端法雨灑高閣  
汎舟至南屏淨慈小憩雨後過萬峯山房

湖波沐南山杯底綠猶映鐘聲猿破夢塔影魚聚泳古錐  
經幢高小市酒簾輕繞廊跼雲根面檻擘斗柄叢篠罨繩  
牀幽花媚石鏡歸鳥挾雨來林表碎珠迸生綃潑墨新洞  
房凝妝靚須臾露青巉亭檐懸日正石骨苔痕涼井華若  
意靜鼎庵龕更尋湖隱贊可詠捫蘿蜨翅鮮畫壁蝸涎盛  
我非孫山人鶴田安得請遙望摩厓書羃烟立孤負  
登栖霞嶺歷紫雲洞

芒屨逐秋隼山深轉清霽淡綠延嶺明空青映潭麗摩天

石插劍俯林寺拖髻厨煙黝蓮龕茶目繡臺砌巖根孰雕  
鎔月窟入陰翳碣窿鵬翼垂豁開虎牙噬萬片兜羅雲團  
風倏委蛻舒嘯敢伸眉平步猶決背綵幡裊餘馨幽篁闕  
清唳層陰結芳草涼露泣叢桂窈窕憶心容荏苒傷時歲  
立宮臥辟邪弔古一揮涕

牛將軍墓在栖霞

由麴院至毛家埠雨中羨靈隱韜光之勝

蘋花弄谿風清暉檐搖演卻共采菱人煙水試深淺平隄  
與山迴極浦隨樵轉齋放僧意閒波遠鷗心譖攢青石髮  
濃繚白雲衣軟江聲浩欲吞天宇脆堪翦屏翳故作劇勝  
境阻登踐秋新擁冲襟暝合拒流眄峯低絮自擘湖迴練

已卷坐聞篷背重歸向漁鐙辨嘯咏了不開秀句通苦莽  
最憶巢溝鳴石淙新瀉笕

登吳山頂望錢塘江

秋光送曉妝湖山粲眉目白馬聽攢蹄朱鳥瞰俛啄

鳳凰山左

折爲吳山

巒巒百雉環鱗鱗萬瓦簇房廊駭綠分林岫間青複

紫陽最清闕絕陁步趨起石空捫水紋苔古省墨馥鳴琴  
答響泉隱囊對翠幄儼然光音人縈繞謝天福更上大觀  
臺江潮奮踞沮初看匹練曳繼驚突騎逐難陀助鼓輪富  
媪愁顰腹迴波作勢驕長天歛容肅虛窻撼未已扁舟舞  
何速輸與候潮人盪胸洗縮胸天吳忽妖露猶負婆留鏃



可憐謝道清祝江淚一匆跳丸下海門一髮窮孤鶩

題牧石長老詩冊

交蘆罨雨戰秋池折脚鎗煨淡粥遲忍草覺華消不得故拈半字寫新詩

樅椎結集橐親刪面皺年來較蚤閒卻悔筆端拋舍利身雲不擬作寒山

日月鐙中小劫添煙霏香母下書籤甘藷卽是心頭血聊把人閒內熱砭

大茅草王所滴血著地爲甘藷

墨痕幾費算師心名句身中影事尋誰著好衣禪榻畔可

知蘭若拾花針

冊爲錢生書

周進士

濟

過訪偕至回真道院就董上舍

士錫

寓奎

流連數日別後卻寄

經旬襖被共霜寒玉骨金心向酒闌科第於今風漢少江湖有此俊人難不慙妻子眠龍具聊壯書生跨馬鞍強欲悲歌誰屬和南山木石自同壇

妻三十初度貧甚蔬果不具也壽之以詩

玉梅三九小窻明倚案聊餐骨董羹負擔頻年同祝牧拜牀今日效樊英愁多侵鬢應緣我語好捫心可對卿休出東門傷遠望金光慧業證前生

點來額粉曉妝明百鐙金齋細作羹紅豆芳年看結子青

精晚歲好餐英閒須捉鼻嗤安石困藉伸眉壯仲卿佳句  
貫花供一笑輒囊多分誤平生

微雪

歸舟一笠冷江邨坐久松明火尙溫掠水亂雲低有影銜  
樓新月淡無痕清吟白社蘆花被薄醉黃壚竹葉尊要使  
明年炊餅大翦冰擬更乞寒門

陳了翁語  
見遺山集

初九日雪仍前韻

巷長沽酒遠於邨肩聳山稜擁絮溫壓竹天斜新畫橐皴  
松皴歷舊巢痕宵來六出和花凍霽後雙尖拄頰尊珍重  
天公成玉戲勝遊何處擬龍門

雪後集紅螺山館示楚僧鐵舟

冬心裊凍瓶春意馳遊艇林表映餘清榮隙延孤罔雲歸  
螺峯溼日沒鳴波冷渺懷應須酒分段堪說餅小軒敞一  
弓緇儒促席並靜志虛樂生慧光實相騁杯縈春明夢笠  
帶晴川影長爪證前因戒香發遐省元賞愜短塵古歡續  
修綆掩書親殘燈欹枕善苦茗何當造茅屋賦詩富芳景

歲暮朱上舍

景光

分金見餉感嘅之餘報以此詩

豈有從文擘鏡詳落毛誰使餓麟驤

餓麟不噬誰爲落毛南齊書檀珪語

仲

和米欲裁書督司業錢因貰酒償漫啖逐夷衡世味真銜  
簍數入名場南山翠色茅簷下回首孤雲黯自傷

李俊民集有代

樂仲和張溫  
甫處督米詩

過周保緒橫塘寓坐不值用其見贈詩韵留壁

龍公釀靈霰呵寒一櫂理隆隆臥酒瓮推篷卽小市塵尾  
自懸窻烏好屋山止牆根幾載屐銳葵未洗滓應笑戴安  
道興盡不逢子緘書玉屑霏情長托短紙我窮端無籍子  
憂坐伊始緯未急治生敢云劉仲鄙古人有坊表薄俗多  
決圯萬牛挽梁棟蟻穴紛竊擬睂心熨不平黃土猶憂杞  
四輪遞相轉香海沸未已頗願荒江濱一日三洗耳短李  
更臨風

謂申者  
庶常

素心幾屈指

竹林七賢圖

正始以後矜風流談柄未絕營糟邱阿瞞治下如束溼俊  
人散誕歆綃頭枝官揮袂視腐鼠若土把臂盟馴鷗有時  
白眼向天外渺然身世輕神州披圖鬚眉接千載白波青  
嶂風颺颺日篴碎金塵尾落酒吸潯淥龍頭浮異苔同岑  
悟郢質神交千里命駕求槁梧坐望乾瀟土過此一步良  
堪羞天王與手如屠豕枕股一哭純臣休世無英雄奈豎  
子差覺日飲爲良謀惜哉過隙成星散懸竿憤鼻非貂裘  
學宗輟筆映死淚伯倫舉鍾長埋憂廣陵彈琴顧逝影山  
陽聞遂傷徂秋巨源黽勉上啓事安豐齷齪持牙籌重向  
黃公壚上過河山綿邈凝清眸新筍成林知復幾山鬼弔

古蒼煙愁天地雖寬多俗物填胷垠誰相酬我欲重呼  
醉魂追蘇門長嘯騰潛蚪

鰲鶴二十二韻

已入鮑魚肆那將窮鳥規乘軒原骨鯁投箸莫毛疵雲將  
委鱗甲波臣炫羽儀棄存雞肋戀放載蟹匡嬉蜨老辭蒙  
吏驂輕駕武夷形全風教舞養到月空窺泣罷矜燒尾腥  
聞輟朶頤儼逃槐蟻獵愁逐紙鳶吹頂藉紅絨唾翎嫌白  
紵羈添丁懿公好去乙內饗知草草塵羹飢僊僊竹馬騎  
驚魂招貫柳戲語祝耘芝腹帛重書版鰓鉤更繳絲未能  
歸閭苑且欲証神祠周傳捐庖日曾門請奧時糞除歸鼠

壤薰沐下瓊枝物化蒼茫測人生感激移鏡鸞傷窈窕蠟  
鳳較參差矯首烟霄闊捫心夏槁危祖龍車共臭意忘食  
同遺水繞夷亭夢夷亭舊傳吳王進鯀魚處簫深吳市思休忘銜索感  
便作九臯期

越國公汪華像并武德四年金字勅歌

隋季板蕩爭羣雄將星夜朗天都峯閉關堪作萬夫長納  
土不失千戶封交兵雖屈王雄誕受胙還過李子通紛紛  
驅羊發秘識往往逐鹿罹鈇鋒降王執挺推賢智勅自鸞  
臺鳳閣至永興書法大雅詞白麻犀軸泥金字河山有誓  
已揚塵鳳諾薰香猶可識行臺僕射一何愚翻向山頭望



廷尉新安洞口去朝天正是禽克馘寶年豆子航中有遺  
鏃高雞泊內惟寒烟羣兒相貴一劒掃橫尸獨桺何人憐  
祇可折簡從日角封侯有面方如田卽今圖像施亭社畫  
師好手應相假褒鄂英姿千載同策勲未得凌煙寫誰與  
衰池合雙璧主人好古徵羣雅滿堂悄然懷古心虎嘯龍  
吟睇大野樓林樹暗斤江波雄豪已歇韜金戈一州安堵  
生靈賴奕葉傳弓子姓多狃獠磨牙感偏側雲煙過眼重  
摩挲未鏤石像昭陵記試比錢王鐵券歌

挽徐文學 葵

李邕識面籍當時四十頭顱歎早衰謾說秋墳飄桂子鎗

昏三弓鄧魴詩

年年橘枋慰妻孥生尙飢寒死更孤三勺酸文真有識斯人無福老菰蘆

上己日放舟至光福雨中自錢家礪入石壁

凌晨挹灝氣出郭勝情踊朝霞作態奇日輪未能奉風折  
一舟輕雨含四山重蔬筍林園香蝦菜邨市冗鐘聲摩危  
幢爨煙爰遠隴篴輿卑枝胃陂陀碎石壅投巢爭飛鳥縮  
繭美枯蛹引人雲海闊呀呬畏同涌豈有羣巫來采藥噉  
高冢岩寒逼魚腥草碧呼龍種歸途辨餘明短笠自孤聳  
何時廢嘯歌倚篷敗絮擁

立夏後荆谿周進士濟偕徐呂諸子放櫂過香谿招

余遊西山

邱壑携琴往江湖載酒同燕低颿葉雨人倚釣絲風豆莢  
疎籬外松花古寺中預宜排筆研佳處理詩筒

小艇鳬翁逐桑陰又一村疎鐘催客飯幽鳥應僧門籜解  
先碁響花飛上酒痕三條黃篾束便擬坐雲根

雨中坐靈巖山館

崇巖挾雨氣水木同蕭瑟流泉翼高館宴坐懷真逸稍稍  
徹空廊娟娟對幽室沿坡茁芳蓀隔嶽孕仙术潛甲戲萍  
圓羈羽捎花密雲屯未踐峯風動已開帙春歸薇蕨晚人

往綺羅失願言保素心敢期薦華實

自上沙登天平因尋寒山法螺諸勝

谿行隨淺深谷口朝光煖野園礪水通春滋插槿短瓏瓏  
迴叢薄燁燁抗池館甞霞引策高好風吹襟散登頓樛枝  
摩延緣石淙斷鳴禽不辨林飛煙自橫阪棲情悅坐忘遊  
目戒行緩秀嶂分丹梯曲廊勞翠巘喬柯隱映深清泉津  
注遠鶴葢憶隱淪荷衣對燕婉臺基一匹古峯景半規晚  
因樹可託宇沉冥結誠欵

登天池頂日暮越嶺至澗上

夙聞天池奇勝踐抗懷肇濃陰挹石滋空翠與天杳林複

巖景遲澗深夏氣少列翅拱衆岑激籟迴清沼樓觀排丰  
谷岫壑藏窈窕思立得佳處繕性在塵表遺迹澹棲雲幽  
韻答歸鳥蒼蒼溯邨樹緜緜聆巖篠逍遙洛下吟露華接  
煙杪

舟宿虎邱山谿侵晨惺惺因歷諸家園亭

一宿谿山深清夢魚鳥狎言尋恭子詩尙憶生公法芳草  
闕鈿函澄潭澀劒匣林颺吹井華援露秀煙甲高檐排闥  
重嘉樹占巖狹市聲據槁忘佛香憑襟治山堂開新眺雲  
棟麗別業絲柳鏡淵垂帶蘿錦石壓青瑣暗藏蟾綠澣煖  
睡鳴栖薄緬通隱陸沈嗤承乏終焉指西林鹿車自荷鍾

與保緒璇衡志匡諸子別後臥疾有懷

十日平原共飲醇牽船猶與水仙鄰  
鷗波夢遠題襟友蕉雨窗寒擁絮人  
書歛薑牙圍棊几碁彈巾角坐花裯  
追歡卻恨嵐軒晚白飯青芻未厭貧

立秋前二日晚櫂小舟同倪米樓錢鏡之入吾與庵  
與唐澄谷上人卽事奉寄四首

落日圓於笠野花高過船  
梵聲迴倦鳥秋氣入鳴蟬  
綠遍菴羅地香參薝蔔禪  
支公高座冷又仗髻珠傳  
暝色四山赴鉤簾雲作波  
瑟瑟荷含雨遠從竹得風  
多洗鉢常呼雀餉燈爲障  
蛾剎竿門外指隨分唱婆和

水引供分衛疏班放小參桐鱗黏舊衲墨瀋淡遙嵐苔埽  
花千帚香殘月一龕過溪珍重意林影落甍甍  
銀漢直篷背迴撓自撥萍煙鐘招夢鶴露葉舞流螢文字  
惟遮眼身心尙繫釘蘆中有秋瑟雲水託青冥

蘆中行題倪米樓高山流水圖

倪生才名廿載久摘句新圖在人口舫樓飽啖武昌魚旗  
亭醉貰長安酒芳草如煙馬蹄綠澹蕩春風一回首青衫  
席帽仍荷鋤赤腳長須共縛帚圖書之外有鳴琴良材張  
急多哀音曾御天風奏黃海松聲萬壑雲沈沈倪生得此  
如良友孤篷夢雨三秋心蒼波無極與漚狎空山一曲同

猿吟牙曠賞心原勿計畫中聊寓買山志煙墨淋漓列數  
圖影塵分別迴初地心源自宋瀑飛湍斜色何如霞翦翠  
不堪窮士爲題詩菰蘆瑟瑟和清淚何山把酒看雲出賸  
有生涯作街卒古錦囊空枯鞠通已逐青氈非故物破瓢  
歌罷悵深林失鶴詩成怨明月鰕生伎倆盜竽工狂客心  
情撾鼓發相从吳市且徘徊老瓦盆中傾濁醅野寺高吟  
木客和水邨下釣溪翁來撫琴堪令衆山響臥遊展卷誠  
佳哉君今更闢逃愁地水複山重大槐翳住持不用鶚鳩  
行善宿能隨蝴蝶戲五龍睡法藉相傳莫問盧仝與馬異  
米樓蓄一琴甚古後遊楚  
失之又自號夢隱菴主



七夕集補蘿吟館分韻得流字送周保緒郡博之官

淮安

吳山洗露氣蟬腹引新秋羅雲低黿網睂月平簾鉤綠蘿  
眷遐眄紅葉凝清愁悲風江介隔疎星河渚流此夕重握  
手長年感倚樓好去攀叢桂離思隨浮鷗

七夕後二日同米樓保緒放舟香谿欲別不忍復同  
宿牧牛禪舍涼蟾入戶詩思灑然米樓以人間世  
分韻得問字

別思菰蒲外煙光林樾間客筇窺竹笑佛髻引雲還咽露  
蛩調韻侵河月洗顏粼淘魁芋滑茶注瘿瓢彎一榻苔重

拂中年柳怯攀宵戢猶刻燭秋轉已如環白紵拋璇室黃  
麝唱玉關流波深霧閣芳草謝風鬟蟾巧心同習蟬肥骨  
自屏青瑣打頭屋紅樹過江山高浪張髻怒平蕪側目閒  
補蘿吾自急跨馬子應嫻擬檢戢書賣休辭賸稿刪明朝  
終判袂煙水隔前灣

題保緒夢遊圖

紆望鳳尾拂天風詠罷霓裳碧落空重向瑯嬛尋福地不  
應猶作守門童

古梅篩影玉塵飛萬點蒼山弄夕霏爲道金梭無處用翦  
霞只織五銖衣

葯萼有句繡鮫綃琴響那羅蹙怒潮怨殺魚龍盡悲嘯不  
知牆角雨鳴蕉

平原千里淡斜陽瑤想瓊思付綠章采得芙蓉誰可贈踏  
歌聲斷手搓香

香水流波落月銜狂花一尺積書巖豈宜高惠迷途反乞  
我松風到枕函

樹神彈指出行厨乞食人間較勝無蟻穴關心拋未得神  
山且莫逐仙夫

效惆悵詩題江孃玩月圖

刺桐花影壓闌干中帶添綿露脚寒欲祝擗香修月戶爲

儂莫缺但團樂

碧海青天共綺寮結璘也怯到叢蕉誰家一角鴛鴦瓦已  
下珠簾卸翠翹

盼來三五又當頭憶拜香階僅一鈎憑掩纖雲憑作雨不  
將顏色照西州

腸斷香奩點筆題柳梢猶識翠眉低畫屏無奈尋殘夢金  
粟風篩小閣西

過復園作

空色集書幌水風吹葛衣蒼葭偃樹冷立蟻駕蟲歸殘月  
自同夢孤雲何處飛何如茅屋下蘿薜弄煙霏

憇程氏水亭沿厓草萋竟川波綠林曦自澹荷風乍  
涼折芰薦觴臨流賦詩秋漸深矣能無悲乎

蛩語送斜暉秋聲到竹扉晚涼揮麈尾清露濕琴衣松子  
當階落鳬翁隔水飛憑闌呼策策不覺羨漁磯

程氏昆季出所載書畫共觀犀軸如雲鴉叉展月元  
賞遂深古懽斯結因題四韵

研水分桐露屏山抹絮雲座浮三雅碧帙散一鴟芸小印  
紅霞帔斜行白練裙明釭排二等夏與寫松紋

又出古錢布及厭勝秘戲諸品精鏐識幕蒼華照人  
牀下選青階前簸赤想見流蘇拋帳時也

穿綾隨剛卯垂帷與秘辛數來工姹女守得耐錢神爪印  
分金粟苔紋認玉塵不應編馬埒雜佩好同陳

玉峯桂樹歌

并序

仲秋下弦偕黃孝廉成遊鹿城之見山堂亭軒敞朗水  
木清華引逕蛺黃拍闌魚赤暖翠溢於秋睂穠芬襲乎  
芳袖庭中設茗盃剝瓜仁金粟霏霏隨風撲面若桑落  
醉人旃檀竟體山則單椒桀立裁十餘匹紺宇栖靈丹  
梯選勝峭蒨青葱中猶見連卷偃蹇凝馥山幽也日暮  
方歸登頓者不言疲流覽者自成謠矣因作桂樹歌  
秋陰堅妬端正月萬戶沈沈數圓缺黃綿襖子忽披林烘

蠟蒸檀動芬烈參差樓堞倚晴巒靜女修睂鬪雅潔何年  
羣玉一峯飛却與幽人翠幄設苔青礧戶曳煙鬟桂老雲  
階儷山骨芳妍直使冶春延蜂鬧蜜脾鶯理舌銅龍鱗甲  
碎千枚莫誑下方發黃鐵築脂手自試寒簀萬斛飛空筵  
作屑桃笙擬喚小璫英坐久滿身糝香雪衰回應戀夕陽  
佳嵐色林光生眼纈阿瑛風流首謾回金粟池邊涼露咽  
玉鸞簫名顧仲瑛以配楊鐵厓鐵龍有詩吹迤吳質眠倚樹清歌正愁絕畫  
闌添得雨聲多小山招隱團瓢結吾儕聊浪寄高懷稍覺  
酸寒遜前哲秋輝澹蕩不可留已見霜容浮湄嶼紙窗燈  
暈又飄飄零落天香對誰說

滄浪亭

盆池鳴細浪叢薄搖蒼煙濠梁託幽興風月懷前賢亭榭  
強檣挂蓀蕙猶芊綿想像醉長史舞鶴同翩僊高才遭放  
廢春夢落漁船鼓櫂出盤閭柳絲拍吟肩菜圃聊覓價諒  
非故紙錢遂令泉石勝藉茲觴詠傳惜哉王宣徽一網空  
班聯蒼生故非福國脉終已瘠四賢一不肖將牢亦太偏  
朋黨旣反覆紹述乃熾延紛紛置白黑眇眇窺嬋娟新苔  
換春枿宿露洗秋蟬永叔歇高唱蘄王邈荒阡晚霞橫睥  
睨修竹舞漪漣溪子遙呼語應破鳬翁眠

九日題僧壁



吹鬢又黃葉秋心奈此辰寒潭破飛鳥老樹颯行人高宴  
桓宣武清詩劉太真我來踞龜殼蒼莽看雲新

登高何必卻極目感飛蓬松倚石同色鷹捎林有風雲寒  
山自碧鐘晚日猶紅秋稼登場後多慙炙背翁

南唐書李後主有却

登高文

### 龍燈行

今年秧馬行焦土老農吁嗟振子舞鞭龍怒鬣幡葉開雷  
轉懽聲飛白雨閒來却學騎茅龍照田墳燭喧兒童剗身  
施炷形模具出泥入脂酬龍功東鄰西舍元黃陣迴翔解  
角之而迅磊落驪珠高阜驤青熒魚鼈羣星襯健兒赴節

誇身手煜燦蜿蜒枉矢走常山  
耒耜變百蹠攢難陀掉尾橫  
九畝沸唇饒吹圍火城投杖一躍疑風腥笑他骨出黃山  
墮博得蠟淚堆珠成買夜參龍原不易星散便同芻狗棄  
鄉里少年且勿喜官掾大斛收羨米君不見淮泗流民鬼  
點簿死婦有兒猶擁樹訴飢槌破寺門鼓

程氏園中拒霜花

蓬蓬遠春不可追六幕慘廩愁黔雷拾薪短垣倒藤蔓攤  
帙破屋飛塵良欲期碎金早霜鍛更憶麗錦西風裁小園  
盤盤玉糝結平池焰焰瓊膏堆料無凡葩作媵侍幾費圓  
魄克胚胎草黃石青見絕艷香篆瀾鏡酬清才阿儺揚睂

若有訴颯纒舉袖疑相偎赤城翦霞墜紺唾白潭染露薰  
紅腮衰顏乍酣媚善睐渴吻久軋呼新醅流連景光足  
老圃顧盼雲物當高臺野田拾穗黃雀皋平原渫血蒼鷹  
來悲鳴幾時奠雁戶快意千里馳龍媒自憐局促渺天末  
卻共遲暮留江隈貧閨娉婷惜未嫁晚植戍削矜誰開寂  
寥冬心愜素抱爛漫春色嗟陳芟魚驚枯株若斷罟蟲弔  
敗葉如故縑夕陽亭亭簷角怯薄寒淅淅衣稜猜山巔水  
厓托迹遠逐客棄婦行吟哀最宜皓手舉芳佩莫待白骨  
生青苔洞庭華實亦雕飾金槃錯落何時陪

竹林七賢圖

重泉瑩心神精廬埽塵坳刁調激幽簧貞萋墮乾粉嵇阮  
龍鸞姿落筆難凡近有如千歲松榮華謝朝槿山王非二  
豪饕諍諒無听汙漫若士遊博大真人隱須眉見古淡肝  
膽闕孤憤寄愁與埋憂天地誰能蘊虞淵日駕促蕙帳山  
靈忿生氣石同巉死淚蟬莫技不須牽犢過浮鼻赴飲吻  
一片漢家土澆酒應消墳懷哉風波民細行姑勗謹水經注漢  
獻帝爲山陽公濁鹿城卽是公所居重泉  
又逕七賢祠東向子期所謂山陽舊居也

歲暮有感題蕉窻聽雨圖後效黃山谷體

此中鹽冷燈青味細雨簷低落畫叉遠夢空階省離別高  
歌春酌數年華衝泥走馬何堪說襍被對牀要足夸今日

枯腸與接茗襪襪瘠竹向窻斜

野田黃雀行

野田穠搖風黃雀縣披胃枯桑老鷗涎汝躬飛飛入蓬蒿  
蓬蒿有迹黏竿招短羽拍拍安所逃不作甕鮓還飼汝播  
鈴小幟連街賭羅家見勿喜少年見勿悲殺機自天發萬  
物蠢蠢皆中之黃雀在籠腹亦果應道鳳皇不如我

曹生馬

調苦幽州馬客吟平原拱木歲駸駸直須神駿三千匹一  
快揮戈斫陣心

家法能傳倣儻姿黃塵跣跂欲何之長安道上看花眼東

野酸寒得意肯

秋海棠

啼痕破粉尙嫣然  
蛺蝶羅裙欲化煙  
殘月半窗蛩四壁  
累儂春夢與纏綿

橋公女觀書

流離世故得佳耦  
此福孔明歎不如  
却笑曹公銅雀伎  
妝成可解讀新書

紅綾

千朶寒雲壓劍光  
蛾眉猶帶魏城霜  
仙心俠骨無人識  
寶鏡常年暗理妝

夜讀眉山集因憶明人有二可笑事一爲程篁墩溯  
洛蜀之隙循春秋義復九世讐遂痛詆眉山一爲  
汪道昆自稱才勝相如大言於四川提學副使姜  
寶曰秀才蘇軾一字不通公按蜀當寘劣等姜譌  
言答之汪殊不覺也篁墩所爲殆是笨伯觀道昆  
此語渠胸中寧有點墨眉山有知不應奉腹絕倒  
乎因戲作長句

排雲老幹撼虬蜉薛能揶揄到武侯太赤堪碎太白樓桑  
柳州摘柳柳州玉堂學士紫府吏磨竭一生動絀議丁零  
牛羊尙追案九世復讎胡母義鹿轉丁倒此風競便質伊

川首豈肯猖狂那復料汪生周孔秀才置何等英靈卓爍  
千古姿瓦餅有耳寧不知覲顏簪組號名士肺腸乃遜蘇  
佛兒烏臺詩案郤奴子殺人伎倆同四其穢郎寧馨絕可  
醜抵几欲竿韓富首汪生若在熙豐際快意相當恣橫噬  
罪過祇應合掌稱來生寧識日月字湖州縮舌呼髯仙下  
土蟲豸誠可憐

題著花圖

煩惱人間有四蛇身雲一一護袈裟蒲團不用天風掃香  
界能分稱意花

一圓忉利市中香鹿女軍持入道場更乞諸天雨新好拈



來微笑奉燈王

逆風香處證三禪半臂須知錦作纏消得一番紅雨落五錢弊服諒無緣

醞海羣芳味不醇便將結習傲針神不妨天女常游戲徧灑冰床雪被人

題卧雲山莊

披徑暗香度開軒墜葉飛竹侵泉脉潤苔擁石凹肥酌酒吟皆運焚香杜德機檐前鳥語好爭欲報春歸